



快雪堂日記卷之五十四

秀水馮夢禎開之著

丙申

七月初三陰雨間作得吳伯度書欲余易楞嚴禪堂記中數語

初四陰雨時作時止早進監視事袁非之來非之精於算移黑白碁令相間可至數十百甚神稍言其法因爲記之

初七晴熱重築北麓堂西首牆看初旬講院課

取一等十四名葉一新爲首  
初八晴熱石內侄辭行新印三國志先呈送兩  
廂各一部親校隋書未終煬帝紀

初九晴夜日沒黑雲如城雨微也二更微雨遂  
滂沱不絕移臥榻居中

十三晴帶陰夜微雨是日立秋入監視事治幫  
閑劉棟發北城吳吏目荅管登之書

十五四更初行禮月色甚佳黎明拜廟歸少  
憇作孫俟居書寄三國志一部又倪江浦索黃

慎軒太史書寄三國志一部

二十一早晴帶陰下午微雨驟雷入監視事日  
晡忽聞四弟之訃以此月十六日不起不覺痛  
悼四弟素柔愿一旦有此天道真不可知矣

二十三陰晴間雨常仰坡來聞仁壽太后崩

二十四陰間微雨楊貞復來叙於北麓堂

二十六晴楊止菴奉常來唁閱邸報仁聖太

后以月十三日賓天哀詔到日百官成服哭

臨於公署三日通前素服二七日而除

物望堂集 卷之五十四  
二十七陰雨午後見日色楊止菴太常遺宣梨  
五十顆許敬菴少司馬來唁陳公衡來唁四姬  
假父蘇佩至未見餉涼鞞佛手甘酬之絲布一  
金夜雨

二十九陰雨午間雨驟雨大書屋俱漏門生柯  
孝廉鑑張生懋德來張生出示舉業文品更進  
屬其少存波瀾以中時目耳康季修歸衙

三十陰晴夜星爛然亦洒微雨招柯張二生飯  
二子出陪談叙終日是日聞幻余上人已化楞  
嚴并刻經場又當易新主柰何

八月初四晴間陰微雨夜庭月鮮皎頗豁人意  
初七陰雨午後止諸生治酒作伎伎人乞坐作  
伎音孝廉汝明不可伎人不遜白之西廳西廳  
置不問余廉得諸生於國喪暹密之時而犯  
禁縱飲已屬不道姑各壓一撥有湖差者三名  
俱革差而爲主二名已撥歷者屬簿廳移文取  
回懲究

初八早風陰微雨旋作旋止看講院課取田居

中爲首修改史記板夜燈下檢山海經中庭步  
月頗雜雲氣

十二陰雨經日隨止隨作大風孟蓮渚來工部  
主事鄧啟愚來俱以子若弟到監爲屬舊廳堂  
諸君廳堂諸君來送節儀俱面

十四四更雨天明陰大風進監點差撥歷同年  
閩黃補甫之弟諸生衷來謁介陳肅翁子卿孝  
廉書夜返照霞綺爛然月甚佳二更後微有雲  
氣彩暈層疊

十五大晴風賀楊年母七袞晤孟蓮渚許敬菴  
諸公飯于程遂所別駕醉石齋登雨花臺歸途  
報恩寺訪雪浪法師了空上人夜月甚佳連月  
陰晦不圖乃有中秋殊足欣暢

十六晴風跋山谷老人書法華經七卷全蹟祖  
母忌辰設祭夜月清澄甚快心目

十七晴四鼓赴禮部易朝章拜祝 萬壽翰林

院易素服角帶上 陵回衙夜月甚佳連日新

霽始免魚鼈之憂

十八五鼓水西門接 哀詔部院諸老俱用青  
布服楊貞復掌禮偶失備余與奉常楊公而下  
俱以常服陪之論典禮素服角帶實不煩易也  
禮部開讀舉哀如儀註獨使臣廢後堂交拜爲  
失禮耳下午本衙門接 詔成服哭臨早起天  
氣微肅夾衣之外又加背子禮部行禮畢小憇  
一揮使宅竹樹蒼翳可當幽居夜宿東廂

二十一晴朝夕哭臨如儀晚出論禮昨已盡三  
日禮部以爲除十八日今日始滿三日姑聽之

耳

二十三微陰而晴發落西廳皂役孫英革役袁  
非之來

二十四晴覆校定史記未完帝紀目青略愈

二十六晴進監視事案牘頗煩懲聞生于廷回  
衙懲方生嶽宿加檄以謝西廳飭監體復查虞  
臬學使書荅三國新課各一部

閏八月初一陰雨午後拜 廟及啟聖土地祠  
易青衣角帶行禮監生不易服在禮宜易不及

先期出示西廳之咎也是日日蝕九分餘禮部  
護日是夜余始出宿外書室以督二子讀書辟  
邪陪寢晚晴

初二晴陳公衡來劉博廳來劉有玄學談言疊  
疊可聽至更深而去是日人事頗煩

初五晴講院出題試諸生共三十餘人面課二  
子作文

初六晴微熱定講院一等十名趙祖祺爲首黃  
秉石次之

初八晴暖入監視事始會講午後同康季修看  
蘭亭詩墨蹟薄暮袁非之來言別將以明日行  
乞作制義草序是夜爲作數語

初十晴暖入監視事程生公衡同成貞菴來留  
飯

十一晴入監視事覆講六生惟李生祺音吐條  
暢厚賞之

十二晴書凡十函得王百谷屠長卿書連夕月  
色大佳

十四晴進監撥歷夜飛籤月甚佳

十五晴拜廟如常儀易置簿廳掌印官夜月如昨鷄鳴塢燈照耀更增一奇

二十七晴和訪孟蓮渚留叙噉餅堂中菊約百本爛然錯繡李修吾續至同叙日西而別面陳應虹少司徒乞牌送家眷

九月初四晴和五鼓三山門接仁聖太后加謚詔何孝廉之圖來謁約三日卽出汪生逢陽非之再來此日別矣

初五晴京口送役還家眷船於初三日午過矣得驥兒書

初六晴神功監劉中貴設席於香稻園請楊貞復王恒叔詹魯泉黃毅菴及余五人恒叔後至堂臨黃哇頗有野趣汪生逢陽至檄鎖送內號以何孝廉故免責

初七晴暖面拜朱師復將軍憶辛巳歲從先君子客三山是時晤朱今十五年矣赴楊貞復之席賓主同余四人貞復示余八山安門活法頗



妙余熙和坊別業卽坤門不妨但當乾位作高樓以稱之耳早進監視事

初八晴迎姚相士號少泉至其人相劉石圍爲狼形不宜入城入城當有初云急宜避去非久石圍構禍自此有名訪別衛少京兆於上新河衛仕進頗有聲而飄然遠引真不可及也庭月甚佳與金康諸君啜茶北麓堂數日來此夕稍清因談杭城水利宜廢某壩令米船直達錢塘門容詳考成書待有力者行之耳

十六晴閱小李將軍畫邀張沈二孝廉趙公孫飯趙云勝國時始祖以三衢人仕爲慈溪丞遂選地下居改葬諸祖先自卜葬地云九世出相十世出將葬後有六十年不利慎勿徒竟如其言亦異人也

十九陰雨谷曲帶溪書又爲嚴公孫與陳璞軒書三同年作主爲楊貞復五十煖壽

二十陰雨夜風雨徹旦早進監視事出示二十八日季考詣鷺峰訪臧晉叔曹重甫吳公擇允

兆兄弟允兆在燕頗與康季修相善季修甚稱  
之

二十二晴寒初冰曹重甫來移示唐人畫明皇  
彈枇杷圖褚遂良摹大令書馬和之水墨豳風  
圖三卷賀知認來同飯早作初雪五言詩一首  
二十三晴寒拜楊貞復五十壽玉杯一隻補履  
古松壽意以瘍不面拜任雲門名春元舊廣德  
又張姨夫親家

二十五晴寒顧生起元來謁將先赴季考而後  
以禮部公文入監此生爲南士白眉預考亦六  
館之先也黃野王孝廉來別甚讚嘆訶茶烹法  
之妙留連不忍去周寅所翰長來

二十八晴和是日季考成材之士與試者百二  
十人頗有佳卷燈刻還衙

三十晴和早入監點差撥歷看卷完定一等十  
九卷顧起元居首田居中次之黃秉石又次之  
其餘皆名士康季修有句曲之行

十月初一早陰五鼓陪祀真孝陵拜式廟行釋

快雪堂集 卷之五十四 九  
菜禮次拜啟聖祠土地祠貢生王以充謁以本  
生文學猶堪作養許侯本月下撥就正歷下午  
同年徐鳴野之子卿柱來其談疊疊憶昔丙子  
歲館魯菴與徐周旋半載如昨日事其年遂連  
舉登甲科補增城令未兩年卒于官一場春夢  
大都若此一嘆

初二晴下午寒加綿欵臧晉叔曹重甫重甫後  
至周繼元來贈新刻知儒編以知佛而後知儒  
所錄俱先輩機緣又學的教衡錄白沙陽明語  
并詩繼元留心學問自許有得欲與余及楊貞  
復質證此亦佳事

初四五更起如禮部送賀正旦表騎道至三山  
門行微雨中飯于普惠僧舍同周院長吳大姬  
婁娒後書室凭闌觀竹頗有別趣竟日陰晦間  
雨

初五陰雨時點滴有聲對魏書送家眷船已轉  
取回帖

初九陰雨講院出題課士得傅伯俊書將雛而

來已至江干覓寓鷄山相見在近喜不可言  
初十陰晴見日午後薄陰陸以寧來

十一早陰大風午後風止孫子桑來餉橋傅伯  
俊來留叙底暮別來六年鬚髮亦白相對成二  
老約明日移寓鷄鳴以乃郎相謁夜微雨尋點  
滴徹明

十四晴帶陰南廂來入監撥歷荅拜南廂訪傅  
伯俊雞鳴山見其乃郎伯俊將挈子謁余以諸  
公移酒至山反邀余同叙叙者同年賓主五人

諸君以伯俊起復官不宜入城將以明日移報  
恩又許敬翁有明日齋中之約白敬翁改設城  
外就之諸君既散伯俊率乃郎爾庚見訪叙談  
至初更而返郎頗慧但云視幼時稍異非縣殊  
也疑論語吾與回言節退而省其私語余云是  
顏子退而自省其私省私卽如克已省字與三  
省吾身之省同此說頗暢夜大風妾父張老來  
二十陰雨寒甚東北風出城訪傅伯俊不遇同  
孟蓮渚同年三人共酌許敬菴傅伯俊許不赴

治酒半峰菴有木蘭二樹頗巨甲午春與陸敬承同遊今三年矣木蘭之前堂供青凍磁古觀音像一距連座約三尺弱相甚妍妙底暮回衙二十九晴日申進衙門齋宿點差官隨至迎過始了點差撥歷之事點齋者朱侍御吾弼十一月初一晴早詣廟行釋菜禮他如常儀撰條陳疏又作知非菴記

初三冬至夜半起陪祀孝陵四更行禮雨霜寒甚黎明禮部行拜賀禮魏國偶病蔡太宰攝首臣事更衣南翰署周寅所有飯相款衙門亦有公饌歸文廟啟聖土地祠行禮升堂諸生拜賀

初五晴劉別駕鹿鳴來得伍學使書得吾士行學古編佳書也臧晉叔來別

初六晴面陸以寧夜草吳明卿傳完得舊本淳化帖

初七早晴入監視事南廂以親弟拜堂不入潘子實來碧井之子能世其津呂之學約明日抱

瑟至唐卿于市肆得舊窰盆佳物也夜星月皎  
三更後雨人  
初八早雨俄晴潘子實來挾瑟見示使人洋洋  
有求古樂之意信奴到知家眷以二十日離武  
林因海鹽大姑喪子病重往視之又遲數日至  
無錫遣信奴計明晚當至矣周中甫同來夜月  
仰瓦三更雨

初十晨起積雪皎然晴寒家眷午前至驥兒先  
至內人寒溫遂聞海鹽大女之訃先以二十一  
日喪子會家眷二十三日至嘉興聞此信亟遣  
兩兒往慰其姊大兒以他事留鵝兒以下午至  
姊已危知弟至驪悲訣別次日早遂瞑傷哉十  
月二十六日也其日驥兒至猶及送殮二十七  
日內人親往撫棺哭之往返備經辛苦因滯數  
日聞此不覺肝腸碎裂共爲哀痛下午傅伯俊  
來留宿夜談不廢名理夜分就寢  
十二晴雪凍未消稍和驥兒復迎潘子實至  
十六風雨遂雪寒望北山積雪甚佳燈下周中

甫談邊事歷歷可聽

十八雪晴檐滴徑尺餘如玉佩條陳疏及歲雜  
奏冊用印常大理來

二十雪晴早看黃毅菴謝其見存進監視事望  
鍾山積雪遠近屋瓦如銀大是佳觀發京師書  
并馮用韞山東書李瑞始行

二十一雪晴許敬菴來荅申老師二書又荅方  
衆甫許上海書午後傅伯俊來留宿署中

二十九雪晴入監視事林學錄新到拜堂御史  
廊拜客面常仰坡沿覆舟山至鷄鳴訪張子山  
十二月初二雪晴聞朱密所道長丁憂弔之周  
中甫自蕪湖歸得張生金礪報書張生意氣頗  
勝約正月過此

初八晴時時飄雪伯俊父子訥卿同爲丹陽之  
行達觀師相待于彼

初九晴寒陳應虹戶侍來爲其子入監趙大司  
寇來周海門來狄明甫來留叙底暮而別狄臨  
清人名某家世武弁仕至浙西叅戎三十解官

歸頗有文彩家畜聲伎傅伯俊親家伯俊甚稱其俊爽  
十一晴寒辰刻出城至靜海看傅伯俊病卧小樓火櫃中起于八日中火稍遲忍饑且中寒而食再行二十餘里遂不能支投憇村舍次日停一日遂歸而訥卿往復達觀師業用大黃下稍寬而腹脅間尚痛宛轉枕間健之不可恃如此訪狄將軍明叔留飯同康季修午後余載酒從之盤桓盡日乘月而返夜寒甚

十二陰寒間飛雪招宋雨菴吳康虞談叙雨菴來得問訊拙園無恙飄然故鄉之思矣夜雪

十五晨起雪厚徑尺向夕未已拜廟下午同

程宋數酌醺然夜完松上雪詩又作贈傅伯俊狄明叔二詩

十八雪晴傅伯俊狄明叔移尊來喜伯俊疾起甚爲傾倒明叔伯俊和余贈章甚佳伯俊作小令佳甚錄示鞋杯折桂令卽雜之元人同中不能辨也是日買成金氏所藏蘭亭值三十金又



雜費三兩孫子桑爲人乞常州守書三十金又  
二十一雪晴稍和不冰移書房北麓右室劉聖  
鄰來以屢見斥于有司謀爲輸粟入監閱其文  
甚細密大有先輩典刑操瑟齊門一嘆  
二十二雪晴賀知認來將刻蘇文忠集看完十  
一月二十七日會課文取孔貞時爲首  
二十四雪寒時飄洒不已入監封印祭司門等  
及土地祠谷浦襟海書

二十九晴早帶微陰晚更開霽檢類書錄出瑟  
事夜北麓堂前燒松棚供祖先神幘于池齋同  
家人設祭與分歲之宴者張若門潘子實錢麟  
仲表弟沈長君俞唐卿余洎兩兒賓主共八人  
余自壬辰冬入南都中間惟甲午冬歸武林凡  
四度歲除於此矣今歲春首殤女康秋哭四弟  
冬仲哭長女喪變頻仍覺損老懽耳最喜辟邪  
冬間讀書有進角孫聰黠翩翩膝前良爲喜慰

快雪堂日記卷之五十五

秀水馮夢禎開之著

丁酉

十月初一晴暖薄暮王恒叔見示廣志錄六冊  
乞序是日宜寒暖則主冬極寒早卜靈棊得無  
難卦安農之象甚愜所懷

初二陰微雨俗節十月朝宜上冢係官於此寄  
情享祀乃祀高曾以下

初三陰晨以靈棋卜國事得三上二中二下安

泰卦賁園之象象曰歲富月昌土田開張安如  
泰山終無禍殃東事雖急似無恙也汪仲嘉巨  
源來仲嘉示新得謝氏泉州帖果佳本余向所  
珍乃長沙帖在泉州下又索觀余江山雪霽卷  
江右孝廉王生立言謁以詩若時義爲質

初四晴初夜大風作顧太初母夫人六十壽序  
初五晴寒成齊王孫虹津五十壽序徐季恒致  
顧望之竹一幅望之吳仲圭齊名畫竹師文與  
可見圖繪寶鑑錢湛如遣使來報其事已息更  
欲乞數字謝學使耳

初七陰雨終日是日秋甲子雨則飛雪千里顧  
生起元來謝

初九陰晴夜月出皎然作壽鄒母羅太夫人八  
十序豫章諸公以去十一月乞者時劉司廳爲  
諸公通意以正初物故矣

初十霧晴陳崇訓來別索觀王右丞雪霽圖夜  
草屠長卿書遣十金爲禮奠其太夫人贈長卿  
黃鎖幅一疋乃郎君典女玉環一縷紗二遺文

恒雲堂集  
卷之五十五  
二  
栖爲使

十一陰午後雨夜點滴有聲孫女九九是日薤胎髮出房

十四早晴漸陰午間遂雨點滴不休幾徹夜汪巨源來屬以索仲嘉十七帖及物色象先孤山地地在陸祠之右上屬山頂於此築室便擅一湖之勝與兒輩言之俱爲欣躍致陸純孫書并詩扇

十七微雨陰繆仲淳來汪仲嘉巨源來仲嘉致

十七帖果佳本以孤山地屬仲嘉巨源必九十金乃可得此非所惜也仲淳留宿今早完渭陽永思序夜仲淳醉而就宿是日浙江試錄送到十九晴微陰劉博以是日行來面別臺泉上人同吳季倫來臺泉將有峨眉之行  
二十一晴似塵上人來卽體玄也留過中婢紫葵病瘡痢幾兩月仲淳藥之輒吐今日加乾薑去黃芩且令漸服得不吐受人參補尚可救矣方孝廉晉來以詩刻并投詩請教夜作法華菴

普問精舍記吳生勉學請之業三年矣  
二十三晴微霜本日邀方康侯顧太初吳山人  
元良一叙方生慷慨粗率頗有豪氣年五十餘  
始得登賢書顧生美秀而文終爲南士之冠山  
人善五字近體兼通染翰徹貧而能守亦佳士  
也市官板文獻通考一部雲楸几一石田畫一  
幀元人山水手卷一

二十四陰下午雨夜點滴不休徐茂吳來過中  
而去仲淳來吳季倫來鍛綠礬備治黃疾用時

四姬病黃腹痛嗜茶

二十五陰王孝廉養俊自廣德來謁仲淳欲訪  
彼處山中之勝王具言之盤鬱幽深是東南最  
佳處堪以栖隱飯而別是日解唐卿所市花楠  
無團花紋非良材而良市之姑以作几

二十七晴早觀北山霧松甚佳他日隱居得數  
樹爲快耳

二十八晴繆仲淳來已送達觀北行矣得同年  
李乾齋書

快雪堂集 卷之五十五 四  
二十九晴余以病八十日矣此日始出先行禮  
先聖廳堂諸君來揖謁謝南廂次行客面常仰  
坡陳楚石陳應虹許敬翁李豐城餘俱投刺不  
面

十一月初二晴寒拜余幼峰七十徐檢吾來楊  
純甫吳康虞仲淳同叙仲淳索觀江山雪霽卷  
初七霧晴五更往朝天宮習儀歸與黃孝廉談  
文津津有味徐茂吳來別并餉西園雅集圖

初八晴暖僅堪輕綿廣德鄭太學鰲來鄒孝廉  
學松來爾瞻族兄驥兒縱性使氣忽患黃疸仲  
淳向視之以爲不治將深季恒云葫蘆酒可愈  
今日試之乃吐柰何明旦許携出南郭外一散  
李漢燧來見羅先生之子更餘疎雨一陳

初九早雨漸陰晚開晴月甚佳早送茂吳訪汪  
仲嘉遊南郭外歷高座寺雨花臺天界半峰菴  
歸途訪程別駕留叙報恩訪雪浪法師入山矣  
過三藏菴後岡登眺兩兒及唐卿從入城弔姚  
鳳麓之喪回衙瞑矣

初十晴江陰蔣孝廉應謹來留飯點齋道長陳耐菴午初卽過衙門知余輩未入爲言明日進蓋相體之極而衙門探事者相誤多矣午後至衙門齋宿吳康虞送玉杯一隻初卽弘明集一部署中閱唐詩紀甚喜王無功詩所著約五十篇篇俱有致有唐隱逸詩人之宗也

十一晴寒衙門齋宿完初九日出遊城南詩十韻作醉石齋記夜閱湖廣錄今歲試錄見者兩京江浙河南山陝廣西當以楚錄爲首

十二晴衙門齋宿作洪陽先生太學講章序文式引重校宋書跋午後回衙  
十三三更上 陵五更翰林院易朝服黎明禮部行慶賀禮易吉服回衙待廳堂齋 先聖殿行禮及啟聖祠土地祠升堂行慶賀禮回衙偶蔣孝廉謹來同觀福建試錄

十五陰晴拜 廟同南廂看黃博廳到門投刺  
荅楊儒系書吳康虞來持李龍眠大阿羅卷見示徐季恒持閩人方孝廉宋硯二枚見示康虞

亦示二硯俱方物也  
十六晴會如法主來如公持所述法華杼海乞  
叙又乞施安樂方丈基將建懺堂于此沈華東  
來

十九雨寒宋生之翊來信奴回得姚氏小春峴  
二瓶夜同兒輩試之夜有雹買貢硯一枚價八

金

二十一陰雨鄧孝廉文明來汪仲嘉來持水犀  
研見示索價三十緡

二十三雪霽甚寒滴水成凍揚貞復行 廟衙  
門具公飯余與黃毅菴相陪方孝廉伯文名承  
郁來謁與驥兒共考硯事

二十四雪晴寒甚入監視事東堂用歲報冊本  
等印細閱諸書考研事水犀研畢究佳物不可  
棄也已遣去復索還請陳子卿方伯文薄暮始  
至盡驩伯文復致舊研一枚

二十七晴和雪尚未消陸成叔介黃生立範來  
謁王華岡來作序西溪懺堂緣起



十二月初四雪夜止楊貞復見招於羅公祠賓  
主二人是日康季修至

初七霜晴入監視事汪仲嘉同何長卿黃生立  
範來黃卽司馬之壻以舊研一方爲贄留叙市  
文衡山園林圖學米二畫又盛子昭秋江待渡  
黃銓花鳥

十三雪風周中南北上臨發又寄周叔宗書收  
拾名理軒爲宴坐娛客之所東隅精舍季修暫  
居夜雪

十四大雪午後止四望俱瑤峰玉樹入監視歷  
西安葉生其蕃以新中等北上特入城見訪延  
入名理軒小叙其所與俱徐生應龍待於門房  
余知之亦延入同叙徐生約明日專謁余  
十六雪晴寒注仲嘉期南郊訪戒山法師設齋  
於寶林菴余先出同康季修登雨花臺望四山  
積雪同齋有鄭孝廉見素

十七雪晴入監視事王有嘉陸純孫來純孫入  
署中小酌微醺烹茶品水頗有興趣抵暮歸約

二十二過宿爲夜談拓起蘭亭諸卷薄暮塘棲  
沈長君來蜜橘主人也留叙

二十一陰慘欲雪下午微飄雪花夜風作星月  
皎然填廳堂考語

二十四雨竟日而微入監封印有事土地祠司  
門等神修歲事也發書姚直指荅朱修吾太平  
鄧倅施節推買說郭缺二冊

二十八晴五更往朝天宮習儀汪仲嘉來以逼  
除欲償逋持徐幼文畫定器圓研求售余傾囊  
止十金與之

三十霜晴以一潞紬一彭段易仲嘉姜鑄彝鑪  
姑從仲嘉之意張倪雲林小幅于名理軒乃得  
之仲嘉者甚精貼各處春聯夜分歲于名理軒  
有季修是日未正刻立春戌時聞風聲無星

快雪堂日記卷之五十五

快雪堂日記卷之五十六

秀水馮夢禎開之著大雷

戊戌

七月初三早涼池荷又一花開日落詣楊貞復  
一拜太夫人靈几傍室叙坐珍重數語而別是  
日見二十一至二十四日報張相公再奉嚴旨  
爲民以妖言事波及徐少司空劉少宗伯俱閑  
任祭酒劉兌陽調外禍福無常如此爲之一嘆  
日晚起雷有陳而不雨燕窩巢兩水千餘畝

初四早滿天霞氣又燥熱當是雨兆午後起陳  
先風雷聲轟轟久之始雨不踰時而止遂涼  
初五早至午後時有疎雨而不沾滴劉聖鄰來  
池荷又一花開二十四日時時公再來  
初六早涼是日卯時立秋池荷又一花開昨花  
謝矣常仰坡來

初八晴熱雷孜孜不止下午驟雨踰時煩暑如  
滌池荷翠色欲流明早嘗相盡無算矣夜大雷  
兩夜半而止

初九晴涼有雲氣池中水長一尺得王對南相  
公報書問安差監生持至

十一晴涼風楊貞復五更扶柩行吳士弘來士  
弘自言熟于醫謂余目疾宜先滋腎水其言良  
有理閱報吾浙庶吉士有洪瞻祖溫體仁其一  
人爲楊希聖西安人

十六晴三更起作疏草月蝕旣天明復光池荷  
三花並開臧晉叔來裁酌疏中數語又與戴養  
吾常仰坡細酌而後定張喆門劉惟心亦與有

叅校之功信乎每事之在于集衆思也遂發焉  
薄暮吳康虞劉聖鄰來  
二十晴涼聞諸生爲余不平出揭訴各衙門恐  
滋事端出示安慰令無輕動顏比部洪範段侍  
御項孝廉良枋來連日來相看者多有不記  
二十一晴時有雷聲雲氣涼方印山復來兒輩  
請仙占事對完漢紀樣晚涼

二十二晴熱臧晉叔來坐談踰時不勝巾幘之  
煩下午答范長倩書夜悶熱是日點完神僧傳

## 二卷

二十三晴熱下午作陣大雨微雷池荷又一花  
開看完神僧傳一卷答雲山嚴道徹書翁北莊  
來雨阻止宿大雨夜止

二十四晴熱雲而不雨翁北莊去而復來知許  
敬翁將至待之至下午相見贊余辯疏得體欲  
因駱主政從史南廂上一疏南廂意在安靜其  
說不行敬翁此說行於兩公俱有益也沈超宗  
聞歐陽劾疏遣成奴四日夜至此敬孔意甚懃

快雪堂集 卷之五十六  
渠金漢孫明日與成奴同赴長溪矣

二十六晴嚴惟心來嚴名上知余爲改字無知  
溧水令徐德夫來祝無功來下午有雲氣

二十七晴午後微雨白蓮三花並開作祭陸敬

承文

二十九晴涼午後涼雨一陣晚晴荷花三朶謝  
其一作馮母曹淑人誌銘新拓廣庭可見鍾山  
及冠松齋記二首記文尤得意

八月初一晴涼禮佛完祭文草爲季常作畫跋  
曹林師兄來出示祭臺翁文甚相嘆賞午後許  
敬翁來已見小報余得部覆奉 旨某着回籍  
聽勘敬翁慰存陪至爲道兩度被謫時事意良  
厚談逾時而去余求歸得歸未爲不可況得中  
秋還鄉尤快事也

初三晴熱收拾行李擇初七日行又改初六日  
許敬翁晚至談良久兼有規誨索二子出見以  
余命字太奇改曰德稱德輝余因乞字說遂蒙  
見允初更少憇三更起如 廟上余起倍粥送

恆雪堂集 卷之五十六  
四  
至身範堂後門

初六先發家眷盡行余迎署簿廳熊博士巡行  
前後檢視器物令藉其數而後行辰時出門諸  
生遮道遲留依依不忍別先後赴楊止菴許敬  
翁李脩吾鄭春寰諸公之餞歸舟諸客旁午因  
憊甚不能陪遂臥臥遂成寐起而朱蘭隅太史  
至蓋自諸生時至今始得一握手首尾五年矣  
泊舟紅船廠夜見江月甚喜實佩歐陽之賜

初九晴西風卯刻放舟江山如畫頃刻見金山  
矣驥兒談時文宗旨頗得路徑日用不知天下  
皆是巳未午進京口兩船眠棹遲延半日兩兒  
錢麟仲諸君同遊甘露寺辟邪侍行葉媪者余  
壬午上京舟人之婦今出家於此村民信向供  
給不乏來謁余婦亦謁余閉關念佛三年狀貌  
亦似修行人矣愚夫婦所易而明智丈夫所難  
豈不益信趙寧宇開府遣使相聞并送余至平  
望意良厚薄暮解維行二十里至丹徒而泊午  
後稍熱

初十晴黎明放舟自丹徒抵丹陽水甚淺澁如  
行腸胃中途遇廣東庶吉士梁有年丁憂起復  
入京各遣刺相問下午抵丹陽學博王之政稱  
通家送禮收其書及茅山碑刻一紙夜行至蠡  
城泊舟

十一五更行將至奔牛而曉薄暮過橫林已離  
毘陵三十里樂社道中遇萬涵臺中丞過船晤  
語良久而別先是庚寅冬與李汝培晤于錫山  
涵臺出作主今九閱歲矣龔毅老乃郎任卿硃  
卷托涵臺寄送是夜乘月直抵無錫北關沈超  
宗遣伴相迎以病不能遠出是日甲子天道幾  
變而晴可喜

十二晴早遣俞唐卿汲惠泉十甕遂放舟范長  
倩遣使相迎兼慰勞悵悵答沈超宗范長倩書  
顧少華來自北門追至此少華辛未歲與余相  
識金山俱少年長余五歲今二十八年矣有七  
子殤其二與三家事零落大宅已易主可嘆周  
生振追送至此已去毘陵一驛矣又有雜餉收



其沈石田畫成化杯印色其意良厚薄暮達滸  
墅夜過楓橋遣人之寒山視徐范許裕甫沈伯  
宏旭公相候于他舟過其舟談叙一路放船二  
鼓達胥關過船則兩兒業從小舟往虎丘石塲  
矣三鼓歸舟

十三晴微有雲氣早遣驥兒弔祭徐太僕夫婦  
并拜文江納言父子辰刻放舟納言追晤談叙  
良久擇九月二十一日北上余約輕舟相會無  
何范長倩亦來持榼少叙不覺留連午刻始行  
而驥兒尚未返夜月爲雲氣所掩更餘微雨洎

吳江南關

十七早晴有雲氣卯刻過塘西徐茂吳遣書相  
迎過橫里噉芡實不甚佳賣者云此冷水鷄頭  
過白露便無佳品良然遂買輕輿魚服還家起  
居外母周觀新建樓居回翔真實齋柳大幾數  
拱繞池七樹垂垂可愛名曰蒲園不虛矣日暮  
雨不止以此益快不入山爲得計宿驥兒書室  
中夜聞雨聲三四次

十八早尚微雨俄晴候娘來見從史余出觀潮  
出正陽門過浙江驛潮候當至未申余不能待  
乃由進龍埠入山將至虎跑遇呵殿來者引避  
他徑則往珍珠寺道徑甚幽泉石極勝行二三  
里有岐徑南通九溪徐村而西至寺及通虎泡  
有屋數間在叢樹中乃民家饗堂詢珍珠寺則  
已過遂往虎跑下嶺又折而上數百步得寺荒  
涼不見一僧三年前主人已竄去久矣上殿禮  
佛回翔泉亭偶遇泉湧至再俗謂之有緣僧出  
獻茶送出寺門登前山至先祖母葬處叩首懃  
周氏兄弟所候輿人二僕飯而行赤山埠登舟  
傍修堤至孤山恣觀新得汪氏別業其地頗踞  
勝所平基可建草堂數十步登山顛大石如象  
如羊五六新栽松數百大者可拱清濤颺然湖  
面若鏡真飛天仙人住處當徑一古桐可合抱  
由新堤入錢唐門周申甫已見待良久約明日  
爲滿家隴看桂花

二十晴平旦到西溪永興門徑賴瑞庭一新竹

樹生色良可嘉尚少睡一時許起同瑞庭周行  
錢萬二業竹樹花息頗煩此佃戶得人之驗飯  
後視新成洪氏花園曲池十餘畝周以修竹大  
佳但得方幅信移居住佳處也一路至古蕩墅僧  
老爭致饋食挽留不已余一一應之日暮抵  
則行李俱發盡矣兒輩俱入城余與內子  
各主一舟良夜大是清寧

二十二晴有雲氣余五十一生日也親友來者  
頗多俱以病謝呼呂三再治竹屏東軒外除去  
煩雜翠竹成林大自可愛

二十三晴有雲氣涼始御夾衣收檢書籍驥兒  
五雲虎跑上墳至暮始回始命花園子結花屏  
營算書房樓梯市松木二株

二十五早陰午後晴爽涼晚稍熱五雲燕屯塢  
先君冢虎跑前山祖母冢同內人鵝兒辟邪拜  
掃歸途載湖再詣孤山於草堂菴左得石壁數  
十丈下頗平廠松數十章甚茂可置小閣但宜  
牆其南面令避陸祠屋角而不蔽湖光則全勝

悅亭堂集 卷之五十一 九  
矣晚延朱良弼先生談叙未酣忽報博橋西有  
火董明宇家有剝膚之憂登三層閣則西南里  
許外火猷叅天矣徐聞延至花市燬數十家明  
宇家眷囊篋俱移至外家內人作主更餘始寢  
曹周翰遣使來袁大冲先生來訪失迎遣書相  
聞

九月初一晴稍熱午後唐元徵自雲間至見訪  
不及迎晤之大佛寺王孝廉焯之兄某同來談  
叙至暮同步至段家橋烟山晚霞大白可愛坐  
橋欄良久步至近照慶而別余以壬辰冬初瞻  
元徵至是七年元徵形容亦少衰聞陸以寧之  
訃於元徵元徵云以寧臨終甚苦竟不得勝解  
之力可嘆坐段橋時陳孟文以小刀過橋下  
初二晴和周甥徐甥治酒湖中邀余合家錢唐  
門登舟至白蓮洲暫泊登岸至淨慈小憇萬峰  
房辭石間頗審得慧日峰下一脉甚的下山遇  
舊識南庫房主僧邀坐鐘樓傍僧房久之歸舟  
沿大堤自孤山而返同諸君登山顛得建閣處

甚佳可窮重湖諸山之勝昏黑抵舍

初三陰日中微雨而溫置孤山隙地二段一在店房後一在水際陸欽甫於生中泰來欸于南屠蘇得袁非之袁坤儀書

初五晴早昏翳熱不堪單衣沈孝升遣使致黃甲糟鯊作吞憶亡女爲之泫然

初六早陰雨晴熱如夏銅釘平屋八窻舊宋史水傷數套同俞唐卿收拾金漢孫以是日物故助銀五錢布一疋

初七早微雨陰熱午後驟雨竟日許然明來同登禪藻閣小憇栢閣栢閣置几席自今日始陪然明飯于東軒忽報盛叔永見訪自閩中至余出迎之坐池齋寒溫畢延坐栢閣叔永云栢閣聲拗余以栢樹易之有宮室曰樹無曰臺稱樹爲宜叔永已飯具小榼留飲栢樹飲客自叔永始雨中柳色甚佳叔永甚樂之勸余折去南首小房以小樓一帶代之貧未能也叔永說建寧山深甚可避世晦翁日擇考亭於大道覓路而

入山徑僅數尺中盤數百千畝子孫家焉繁衍  
至今此老堪輿似在著述之上非迂儒也  
初八早大雨漸晴微陰雨孫女九九一周連日  
應酬不免頗爲閑適之累  
十一平日爲攜李之行偕俞唐卿逆風舟行頗  
艱舟中起居亦不如遊船爽快胡牀太高以皮  
箱爲坐稍安閱華鴻山翰學巖居稿頗有孟常  
筆韻亦近世名家也飯後始索筆研覆對漢紀  
舟過雙橋而夜過語溪至皂林遇雨而宿已踰  
夜半矣

十二早陰微晴風逆日中至郡姚善長亦以是  
日盡室北上得其書於王江涇薄暮至沈宅見  
新添外孫甚偉小女兒面微黃比去九月別時  
覺稍長矣道明叔太邵郇二叔丈虎臣伯與諸  
客俱陪月甚佳夜分始就寢

十三晴是日宜晴俗有九月十三晴釘靴掛斷  
繩之諺早拜道明叔太及其二子三弟來同看  
新外孫添朱長午先生來陪是日超宗壻設席

道明叔太與長君以卜啟菴來客另席欸之不  
至之端早拜戲問對太父其二年三命不同  
十四晴拜項親家盛草汀先至超宗壻陪往看  
侄女已有喜數月矣項正宇性情疎簡絕迹城  
市頗有上皇之風余甚喜之是日稍有放曠之  
樂夜還沈氏虎臣伯設席宿舟中  
十五晴早彥雲先去超宗壻出法帖名畫相示  
內李北海雲麾將軍一帖頗佳飯後省朱長午  
遂赴道明叔太席先憇書廳索觀珍玩新得舊  
倭器數事甚佳又出法帖李北海岳麓寺碑可  
爲冠絕雲麾將軍與超宗所藏稱雙璧矣連夕  
月色頗佳無柰酒席拘束是夜別諸沈宿舟中  
定計從塘路往婁東矣

十六晴早發長溪由官塘過吳江宿尹山夜月  
甚佳係舟直山門憶乙未九月泊舟于此五日  
今又三年餘矣是日作漢紀序白下諸公書將  
以明日遣陳籥等還食黃爵稍多致腹中不快  
十八陰旭公邀余遊華山或疑欲雨余賈勇而

前小舟至墊橋過陸包山舊宅登岸買兜輿而  
行歷觀音寺寒泉石章陽華墳墳卽費東相兄  
弟讀書處又過趙凡夫新營徐氏廢墓十餘里  
再登山盤旋石磴數里始達華山外甃石爲門  
顏曰蓮花洞天又數十武始及寺門寺甚幽業  
頽圯而六舟法師者興之後爲徐氏業雪浪之  
門人二與六亭之門人共居之余坐小閣良久  
歷王百谷廣長菴取道謝宴嶺而回微雨時飛  
秋水沾濕及舟噉蟹旭公酬數酌而神始王連  
日旭公出所藏法書名畫見示多有佳者宿舟  
中

十九晴移舟曠墅處作王逸季曹鳳陽祭文午  
後遊衍寒山寺旭公出詩畫相示內唐伯虎畫  
三幅甚佳下午沈伯宏自東山至馮三峰善曲  
夜移舟虎丘扣省吾上人居晚酌畢洗浴往石  
場三峰歌聲與月色林影相映谷石塲就寢二  
鼓餘矣

二十晴早起登曉山看天際老衲坐小閣良久



新住持隱竹送茶剡溪追至後山門相見意甚  
欵曲得伯宏絳帖中有殘缺者伯宏又餉哥密  
小鉞秧鞋是日婆婆范長倩齋中候徐文江年  
兄長倩開筵相欵遊榆繡園中規制甚宏而少  
宛曲清遠之致獨朱勔所遺花石綱石三枚爲  
最奇一大者銘瑞雲修二丈廣丈許尤奇之奇  
者其時墮湖中不能出本朝陳祭酒董宗伯與  
太僕公俱得之而不能豎當有待也晤朱支中  
方病瘡強起徐生滋胄以家樂至演蔡中郎數  
出甚可觀夜半始登舟

二十二晴禺中抵婁東入城弔逸季惟有應門  
之僕亦不得至靈座前申一拜感傷之甚弔其  
太夫人冑伯亦往東鄉矣房仲猶在吳弔奠太  
原夫人相公遣人邀至園中一叙哀愴之甚下  
午辭出弔奠曹鳳陽周翰偕三少弟執喪方留  
坐以相公父子將至舟中出城迎之遇之塗復  
還至舟中拜謝再三良久旣送相公父子乃由  
小西門赴曹周翰之招於新宅已薄暮矣陪者

快雪堂集 卷之五十一  
陶孝廉姜文學周翰見其二子  
二十四晴月上開船大明過浚義日午至齊門  
易小舟弔韓敬堂少宗伯之喪同伯宏步至師  
林寺寺久廢蜀僧清菴者錢兼山延住普光廢  
址志在興復十七年入京謀請藏會 慈聖閱  
楞嚴會解詢師子林爲何地則公爲何師針芥  
相投遂得藏及沁金毘盧佛而南賜額聖恩中  
更魔事終得成就所居卽舊菴今起大雄殿矣  
經殿六已就其四餘尚有待潔伊蒲談叙踰時  
而別歷婁葑二門十里而訪管登之已暮留宿  
惕若齋中談至夜半

二十五晴熱訪王百谷有江北之行索見其二  
子大者十一小者九歲頗慧同觀佛閣謁申老  
師留宴賜閒堂會雲旭上人在遂約玄墓之行  
卽暮移胥江同行者馮林卿王雲臺王善簫能  
倚歌而和與林卿足稱雙美

二十六早霧漸晴熱客有單衣僦者泊舟博士  
塢乃昔年買陳氏山規爲先人葬地之處步登

靈巖山歷西施洞一浙僧居之徑盡得石數塊  
甚奇樹生石上根入石罅甚深婆娑可愛寺餘  
一塏塏址卽館娃宮也僧居堦下有老少年二  
十餘本紅紫芳鮮可愛其右通涵空閣陸靈岩  
吏部倡建費止二百餘金而壯麗爽塏南望太  
湖東西二山在煙靄中無何烟開歷然可見東  
山更親閣右卽琴臺飯後徐步而登初得盤石  
縱廣五六丈云爲琴臺非也盡松徑約二百武  
攢石巍峩至顛石如蓮花開敷上有琴臺二字  
欸識不能辨琴臺之下卽響蹠廓也涵空閣前  
有水如箭通胥口曰箭涇箭涇盡處爲香山吳  
王埒香處故箭涇一名采香涇靈巖石山前行  
一支稍有凝結而下袁坤儀近遷母夫人於傍  
乃取傍落殊非佳卜登舟過善人橋九里而宿  
夜大風作遂雨

二十九晴東南風舟行甚逆泊舟朱家港過平  
望十三里是日成初到武林舊宅詩一首吳中  
一首

三十晴西南風日中到郡城先詣拙園晤宋宇  
巖竹樹茂密頗有忘歸之意約更深再過輕舟  
郊南上東溪府君家進西關訪沈純甫留談偶  
朱汝虞不期而會遂至暮同載而返看四弟婦  
俱孩幼孤寡慘傷大是可憫至汝虞齋中周彥  
雲已久待談至二更始克赴宋宇巖拙園之期  
既至盛草汙俞唐卿先到已沾醉矣又談叙更  
許夜半歸舟作數字報沈孝升沈超宗  
十月初六晴寒譚公亮來留飯與繡谷同叙會  
常仰坡來邀入同叙以腹痛不任酒數酌而別  
遂爲萬里人矣

十九早薄陰粥後同張元修俞唐卿驥兒爲湖  
南之行會胡休仲至同行郭外青山黃葉如錦  
綺錯落蕭瑟中不失濃郁大是佳觀既至則魯  
孝廉已見待矣婆娑居然亭良久遂登慧日峰  
審其所止左空而山行不止融結當在上而少  
右憇法華亭遂微雨飯後益淋漓驥兒先回余  
輩索酒命觴沾醉而返

二十雨終日不歇張元修報謁胡休仲遂爲黃  
貞甫客樓右中閣板成共閣書十三撞撞約三  
十餘冊通一邊可容二十五撞八百冊矣張元  
修宿胡休仲邸中

二十二陰晴間露日色亦洒微雨卓稚期與弟  
稚毅來謁赴卓去病湖中之席同席魯孝廉張  
元修胡文仲又有王君者列文仲之上驥兒從  
放鶴亭步至西泠登舟至岳墓步至三橋龍王  
堂堂左新起大士閣三賢祠西石臺俱已欹傾  
更得好事者一修爲佳耳望丁家山地後有鬼  
山結穴無疑

二十五晴微陰虞僧孺來僧孺結菴靈鷲之傍  
役使僅一老新建八角團瓢每角可以藏書又  
有一樓可以眺望衣食足給於陵仲子猶餘辟  
纒之妻足稱今之逸士矣約余入山出伊蒲爲  
供敬須其期

二十九晴微陰魯陳二孝廉泊諸親友以拜內  
人生日至約十餘輩留噉麪魯陳先別超宗治

酒慶內人生日夜雨

十一月初二雨晝夜不止始赴放生會吳伯霖作主同赴者楊中麓黃貞甫虞長孺兄弟六七君子

初三雨如昨午後稍住點暮雨沈虎臣辭歸自前月二十八日至本日非作主則作客睡必夜半又有別應酬不爲酒困自昔稱難矣買四賢祠道士桑地池塘

初八晴寒沈伯臯陪柴氏二生紹烈紹勳來月初至今似稍暇

初九早陰午前寒甚午後雨霰雜雨夜飛雪片初更後微雨荆生懋賢來

初十雨楊公亮赴官閩中見訪留飯公亮于思亦皓然矣

十五晴霜寒讚達磨祖師像赴虞氏兄弟約於靈鷲至冷泉亭僧孺已見待遂同過僧孺隱居名曰猿狖居下爲團瓢作八觚形觚處藏書上有樓後爲卧起出梅道人達磨王叔明山水見

示皆真蹟逢鄔生余里人凌君文炳之聳黃貞甫之徒知余來而見逐者過邵虎巖隱居坐山亭鄭孔肩虞長孺先後至飯於靈隱直指堂同戒山諸衲飯後訪喬古松于岫嶁山房黃貞甫至榼酒數酌醺然同齋于直指堂盡暮而歸行未半月色皎然于東方矣夜半忽聞雨聲陰晴難料故如此

十二月初二晴暖風從西北來甚大赴放生會鄭孔肩作主俞羨長隨喜晤謝大行九紫風大不能開船散步錢王祠晤百歲翁四十年前楊中麓識之時年六十詢其生支于戊午丙辰戊午壬子再入舟嗽麪薄暮而歸

初三晴暖虞長孺書來爲崇福菴乞請西興一菴長老書并餉頻婆果四枚

初四晴暖同俞羨長看南高峰正結自高麗寺右登山應南高東下有牛眠地鈴飯于法相竹亭晤秦冰玉乙未夏同陸敬承屢醉于此有醉僧墮馬之事斯人不作爲之三嘆經三台盤桓

茅氏祖地孤山數酌而歸已昏黑矣月甚佳  
初十早霧漸開晴早往虎跑寺待俞羨長周申  
甫久不至得聽泉聲一二時甚快亦近歲所未  
有者已申甫羨長先後至相從觀馬形扳鞍穴  
次觀龜形肩穴對覆鍾案者由丁婆嶺歷江氏  
墳翻嶺至女教場女教場面江一面頗有結勝  
果僧具茶供翻山至鳳皇山憇于報國乘月歸  
十三早霧約俞羨長爲鳳皇山之行羨長改約  
明日此日頗覺閑暇夜月甚佳收汪河史書大  
宋書一部小宋書三部大魏書一部史記三國  
各一部又漢紀一部夜宿東樓下  
十四晴微寒同俞羨長看鳳皇山立穴處木星  
水泡一連數箇橫案佳甚又龍首一地隔江席  
帽案飯于天龍寺從上天真問道登玉皇山山  
頂之北可望西湖諸山從寺前覓道至江氏葬  
處其結作佳甚前朝用虎跑來山江中一砂如  
捨應穴震龍庚向此出將地也下山逾梯子嶺  
出方家嶺而歸



十六陰唐岐山爲余傳神幅巾禪衣手捻數珠  
跌坐鹿皮雲間張生以誠字君一特來見訪  
十八晴早霧峇錢湛如書項于王來乞學使書  
爲候廩作實援例事書托貞甫送黃貞甫邀過  
天然圖畫閣一叙主人以候按院未到先同諸  
客寶石山一遊過鄭春宇山居良久貞甫至薄  
暮步自大佛寺後過斷橋至錦帶橋數酌而別  
爲俞羨長圖一事得吳文仲報云云

十九晴暖邀俞羨長同觀北山要結又步來龍  
并得面孤山一地後石屏甚美飯于倪氏莊二  
十年前頗徜徉于此今三易主矣駕一葉至三  
台山觀其正結石鈴甚明泛湖入湧金門而歸  
二十九晴年終祭神來夢得餉香圓十枚并他  
珍函中并得來範叔書三層樓下壁床始鋪  
簟夜陰不見星

三十早微雨陰夜微雨修歲事如常儀鬱金堂  
始掛畫取李唐雪景王大痴樹石

快雪堂日記卷之五十七

秀水馮夢禎開之著

巳亥

正月初八日陰晴往雲棲設齋益黃貞甫羅元甫兄弟齋資一兩一錢同虞長孺俞羨長諸君子一見蓮池師卽詣燕屯虎跑上冢山子姪同行赤山埠易舟以息輿從薄晚至家鵬雛姪繆壻登雲大房仲弟駒駮侄同日至家中一場熱鬧朱長午早行不及別晚見月微暈鬱金堂前

樹梅一株

初九晴午後薄陰洪生元基石介卿來早飯而別洪生還樵李介卿覓讀書處于山中是日迎春沈壻及兩兒諸侄俱往大街看春內人亦擊諸女媳行沈伯臯具飯相款俞羨長來周申甫持榼至譚敘竟日羨長沾醉倦卧几上已同登自臥樓看公子出亡圖宋元人小畫卷而別

十二經日雨夜雜霰遣書送朱汝虞之官白下超宗壻鶴兒湖上款沈虎臣赴高深甫之約再見開皇蘭亭成國家物品在諸本之上與趙魏國臨本偽蹟同卷深甫云以三十金得之又黃庭亦佳本後一二十行乃別本綴上者

十三有開晴意登自卧樓望郎當嶺積雪皎然殊豁人意夜張燈

十五晴午前微陰下午大晴夜月甚明傷無纖翳早得茅薦卿使問同俞羨長俞唐卿爲虎跑之行會于湖南湖南遇雷生大復楚人字季孺卽僧空一返初三年矣余三人從輿而雷生步

行相從先看九曜高氏祖塋歷甘露諸處飯于  
周氏舍羨長審珍珠結作余與雷生唐卿留憩  
泉亭寺橋約一二時飽聽溪聲續以清話亦大  
快事也羨長到同往審寺基坐向僧進伊蒲步  
出塢口已薄暮矣別雷生沿途看燈而回張君  
廷倣自白下至已半日矣得見本監廳堂回堂  
文稿余心迹稍爲一白維持其間者戴司廳養  
吾與張君用情良厚余則何心聽之造物耳祠  
堂之成實宋杜方三生終始其事張君二事俱  
有勞勩國士之報不虛矣

十六晴風月不如昨夕豹孫自二更顛哭發熱  
迎王醫看云當防其出痘晚金醫看云痘根在  
腰背間發必多恐兒小難支吉凶未定甚憂之  
是日草任孝廉母墓志銘

二十晴下午風微寒徐茂吳來王金二鑿看豹  
孫豹孫痘已足候漿十分無恙矣日中西山看  
梅至傳園梅初放可十一返至四賢祠梅放三  
之一回翔良久酒榼至進數酌逾山至陸祠登

輿而歸是日沈壻兩兒俱侍

二十三晴早至塘棲及黃貞父舟晤于卓稚穀  
席上酒半貞父別去余與羨長終席胡休仲卓  
去病稚穀同作主稚期先爲新安之行夜半枕  
上聞雨聲

二十四晴雜雲氣泛舟餘不溪登金鷺之巔山  
有肩落木星結穴乃談氏地向來疑團一時訣  
破望百僚山之北有金星甚尊捨舟覓之得其  
處乃張氏地正穴尚在坐梅花下索村茶解渴

羨長折一枝回城山寺莊小憩權上人留敘設  
浴輕舟入西門畢蔡氏之弔主人張樂相款夜  
半歸舟黃昏雨不止舟泊城南

二十五雨竟日不止早遣人與蔡氏相聞乘雨  
放舟遂起櫂沐長溪煙景大是可圖夜宿安溪  
舟與陡門相值夜半枕上聞風雨聲

二十七大雪竟日二蔡生舟中相送禺中解維  
權上人送數里而別羨長是日早往齊眉山謁  
章元禮吏部余遣蒼頭候章贈詩一首以荅昔

年見遺之作午後至塘栖泊舟大善寺前雪景甚清絕成詩數章晚得羨長報約明日午前相會於此

二十八雪霽念家中小口占之得震之復青龍子孫天喜持世似可無恙仍維舟大善寺前以待羨長日西始至過輕舟十里至超山審所結向敢山三山排列本身虎首翻身成蛾眉近案亦一方之主羨長欲示胡元敬亦聽之矣回舟別羨長遂掛帆而西

二月初五陰雨同康季脩孫上池訪馬心易于靈隱澗西房先同季脩至湧金門登舟過湖南水竹居吳伯霖書館訪曹周翰消息初一日到一宿館中遂往朱橋李氏墳舍讀書矣金沙灘登輿入山上池已至本房僧聞持出迎少年眉目秀發善黃貞父喬上人諸君者勝仰松亦相周旋飯于澗西同心易步至泠泉亭數酌而別冒微雨入城抵家而暝阿禊昏初發熱恐亦痘徵與其母共憂念之夜雨點滴甚綿方生應祥

快雪堂集 卷之五十一  
字孟旋來餉文稿一冊玩數首大有意致不忝  
馮先生門下士汪生獻忠來

初七陰微雨諸醫看九九及阿襖痘九九勢凶  
劉翁雪泉欲以大劑人參湯起之又女婢新綠  
爲腎經痘此下藥亦背水陣耳阿襖初見標似  
稀少可不煩鑿藥也早得吳文仲使君書索觀  
南北史玉峰顧德甫來留飯

十三竟日雨午前兼微雪王道玄至談命劉醫  
看襖女服保元湯劑減人參至二錢額上痘已

回見北察報衙門焦弱侯劉綱在浮躁降級之  
列弱侯業中纔左遷又不免此可嘆

十四陰夜月甚佳微有霧氣襖女痘回合劉醫  
視人參減用一錢二分矣

十八晴和同舒堪輿看范村塢內一地遂扣雲  
棲老禪送請赴廿三日放生會啓并邀王性海  
大行留齋先隴祭掃別舒堪輿朱橋李莊訪曹  
周翰晤陶生其情周翰出新作乞批示李莊蓋  
王店李氏墳屋登山步松間因審山脉蓋面江

而結前有矮金作案地頗清巧  
十九早微雨午後晴昨晚信奴持拾遺報至許  
敬翁沈純甫江念所俱不免君子之厄可嘆詞  
館三人王忠銘蕭以占劉兌陽早飯與周翰別  
至淨慈易大轎歸家張見菴自郡中至先封公  
狎友也中飯後湖舟作主款范長倩兩兒侍舟  
出西泠橋至岳墳晤瞿武人卽能望氣曉地理  
者又晤徐茂吳鳴岡兄弟登舟出二橋至孤山  
登涉少頃沿新隄而返

二十三晴暖舉放生會于湖中來集頗衆先是  
蓮池老人久不赴會以余請特至平旦下顧余  
報之上方上方新鑿放生曲池甚佳惜迫于南  
隣難於恢廓耳堤上遇茅孝若過船數語下午  
客散舟泊昭慶寺前復過數語昭慶訪王槐庭  
項君卿俱面陳司理德元不面項生瑞芳夜見  
訪見呂之弟

二十九晴微寒於生中泰來索陶觀音一驅供  
養是月喜阿襖出痘無恙乃有九九之殤然窮



迫頗甚

三月初一晴和昨夕與金小竹約拉宋宇菴爲龍井之行早出湧金門過湖南淨慈南庫房訪蓮筠泉病略愈慧日一脉之盡爲華嚴閣基鼎建之費當二千金此閣成湖南像法亦宏壯矣到龍井宋金二君已至龍井賴孫中貴施捨改作一新遊人如螳頗傷雅道德周上人邀過新起淨室具齋相款秦冰玉寓此與同追覓龍井正結得之於封篁嶺爲茅氏山左右山俱石玲瓏秀巧重重圍抱真佳城也在坐有孫里長卽爲余營佃湖灘者歸途步看演福寺址張氏墳後爲正結卽蒼龍戲子形惜機緣未便可得耳至毛家埠捨輿易輕舟至三橋堤上桃花噴蓋開者已十之一過三日卽盛開矣步行越二橋登舟至孤山藉擅坐石上數酌已鵝兒俞唐卿至又數酌而起步至梅花嶼遇張望湖楊中麓陳孟文諸君拉至舟中數酌坐中有二伎余爲沾醉鵝兒宋宇菴先別去余登輿歸今日雖清

遊可謂盡興矣

初四晴間微陰同周申甫俞唐卿兩兒湖上看  
桃花盛開

初七早陰微雨午後雨氣頗濃李孝廉葆素秦  
孝廉懋觀執贄稱弟子先邀方生孟旋周申甫  
會繆仲淳康季脩同至又孫上池以看張見菴  
病至一時同集可謂奇矣季脩致徐仲容書南  
京糾拾有楊貞復大奇大奇雨徹明

初八午前雨頗酣午後漸細晚止李君實盛草  
汀戴嘉賓至招沈生志英同敘在坐有仲淳孫  
上池夜仲淳與君實談說佛法幾至相苦

初九晴同仲淳君實季脩盛草汀戴嘉賓等湖  
上看桃花驥兒從飯于淨慈居然亭法華亭石  
邊遊衍飯後輕舟南二橋登陸堤上遇徐茂吳  
吳伯霖五橋登舟至孤山諸君子至岳祠余與  
仲淳季脩同行審視孤山正結與羨長所擬稍  
上對隔江遠山穴情甚確別無傷損已諸君至  
山巔藉卉而飲薄暮過新堤遇李秦二孝廉張

于燕于燕挈子上塚而歸淨慈遇松陵沈生志  
英相從彌日

初十晴和同仲淳訪陳小洲問疾製方出清波  
門看地登南高峰過九曜峽內山結一高穴在  
頂向臯亭至虎跑上塚仲淳審右一枝大勢繞  
左地結在左一枝之盡蓋左枝束細直出到穴  
星辰立起前開明堂甚圓架九曜玉皇中有小  
屏開面相向龍虎拱揖堂局齊整與展旗地鈐  
相證數年公案一朝勘破快哉虎跑寺小憇步

至大慈左屏山降觀諸山自丁婆嶺歸以仲淳  
足力疲不能盡登涉之興耳得朱汝虞白下書  
十二晴和項生德達來張于燕來內人同諸姬  
六橋看桃花飯後余同周申甫宋宇菴康季脩  
步出錢唐門泛小舫至孤山指示孤山結穴形  
勢申甫甚爲解頤季脩沽酒松下數酌遂從西  
泠橋葛嶺步歸遇印方塘于途獻茶歸良久內  
人同諸姬始至月大佳

十七晴午後風微陰薄暮雨早訪周繼元約見

過已改約訪陶太史望齡於湧金門外余與太  
史談敘良久遣使趣繼元始至是日太史渡江  
太史留意宗門而不廢禪誦每日課彌陀千聲  
今歲開絳帳于此旣別陶太史易輕舟與繼元  
過湖南南庫房饌伊蒲登居然亭審南屏正結  
乃石蓋穴甚巧對東山弄闕外陽安溪諸峰靈  
秀又登法華亭小酌仍泛舟而歸沈孝升自海  
上至嚴無知自黃梅至俱舍池齋燈下爲周繼  
元跋其尊人雙谿先生手蹟

十八晴風赴凌氏題主之請設席柳洲亭事畢  
小憇湖南萬峰房泉峰上人設伊蒲爲供午後  
侯媪作主邀宋司馬及予席設司馬雷峰山後  
園卽宋聚景園舊址也巧石玲瓏三十餘丈如  
蚪龍飛舞石北爲堂而南爲閣閣更勝往陸少  
白作幕于此每與余盤桓其地甚樂之時爲金  
別駕業後歸陳氏再轉屬司馬而化卿公子任  
其經營恨不窮極壯麗以稱湖山耳坐客有楊  
氏兩封翁以司馬邀之而至佐觴者二沈孝升

行不及面

二十二晴早爲柔菴草安小范秦國子三書柔菴更欲索聿敬中馮元敏鄒彥吉三書期領于攜李至松老橋過小船與超宗季脩別鶴兒夫婦過呂宅遣人送壽軸等禮沈舅母附豹孫舟至家遣錢思送到余同唐卿過羔羊橋訪鍾少石封翁遇之郭外與其季公同過余舟季少余一歲亦皤然翁矣羔羊橋入港僅可通舟沈莊竹木桑地日就荒蕪感念樟翁大山不覺泫然

鍾季公指一荒地云此余侄學錄君桑地今若此况居武林者乎務廣其地而不能藝可鑒也少石公治具相款見其幼子又一姚江先生相陪意甚殷篤黃昏過大舟宿于塘東鍾季公宅前十五年前曾一宿其處是余居先封公喪時也

二十七晴早婆娑伯遠齋中飯于舟至繼泉園園中牡丹頗盛約百餘種超宗云蕊繁者須摘去但留三四卽花大倍常根榦小者不可留蕊

此言亦有搏節愛養之理未幾主人至設席相款侑觴有三姬一張姓者善謳余爲沾醉下午過玄白齋中亦盛席相款三姬仍侍徐子有以醫藥至坐頃余不相見四年矣酒後子有與予頗談淨業熏修之事伯遠意頗感動約至武林拜蓮池老人閔氏二姬乞字其名香字之楚畹名鳳者字之秦簫秦簫尚未破瓜略有姿色更餘登舟玄白再至餉程儀辭之不可二更餘始別是夜超宗醉先卧季恒恐其行止無定暫與

### 余別

二十八晴侵曉解維超宗遣人告歸不同至海上矣小河東北行取道半路至海鹽日始晡至沈宅李令君將有郡城之行聞余至復返顧余於沈宅余昏黑索輿往拜之孝升以新婦見是日舟中成祭亡女文宿於宅北書舍仇君采相陪初更別去

四月初二雨早至天寧寺崔萬戶相謁禪堂少敘片語孝升兄弟同至亡女殯所面申一奠沈

快雪堂集 卷之五十一  
氏兄弟具舟治飯送至夷亭劉少彝同朱生正  
色又送數里始別戴升之馮生振宗亦追送於  
夷亭午後風逆舟僅泊半路賴余羨長胡仲脩  
張舒四君在舟頗盡談諧之樂

初五雨將至吳江三里鵝兒康季脩先往吳閶  
吳親家同兄益之叔承烈莊孝廉沈長公令名  
迎至垂虹亭下午登吳親家門次登益之伯翁  
門次謁吳江令孫君大壯薄暮孫令來報謁吳  
親家置酒相款凌聞菴相陪

初七晴看周季華飯于沈祖量宅與趙孝廉士  
諤同作主沈少卿陪是日益之伯翁開宴相款  
得寓日碧玉鳳頭匱果佳物又觀元人名畫數  
軸二鼓還舟益之伯翁送別  
初八晴吳親家送至寶帶橋而別日晡至吳閶  
舟進至虎丘泊後山門道中鵝兒康季脩過船  
沈伯宏後至同訪天濟上人病病已七十日不  
進米穀僅存皮骨尚留心常住事可憐可憐議  
遣僧叩于中甫取齋僧米余爲作字明日遂行

且爲余報信登岸時遇徐長源仲邕約歸日晤  
夜過鐵佛菴默然上人房澡浴卽當時慧輪掩  
關處小酌許裕甫舟中夜半試虎丘茶數壺始  
就寢是日間有疎雨數點中誠泉眼亭創成  
初九陰晴曹別駕來拜因關使缺署稅事許墅  
報謁于舟中此公年未艾以選貢任談對亦不  
俗亦鐵中錚錚者爲里中人跋其先人長史公  
傳乃是朱元介太史作者又撰祭于母虞太安  
人文無事晝寢寢覺已過無錫南門矣飲虎丘

茶四壺惜無共之者出門以來此日寂爲清寧  
泊舟北郭馬頭與惠山相直月照空水村歌互  
荅鷓首小立大自有致喧寧之異境如此

初十陰午後微雨不歇微寒加綿將至常州遇  
糧艘盤出其前略有艱阻舟中頗有清適之樂  
焚香烹茗讀禪書數十紙會心良多此歸山以  
來所無者過常州十餘里入三里橋而宿此由  
蔣市至金壇道也雨徹夜

十二早尚雨漸晴拜奠于見素乃配虞太安人



拜于成素存素景素王方麓中丞宇泰太史其  
兄長公諸公俱至中甫宅報謁中丞公至舟中  
甫具飯于梵川新起書閣隔水以小舟達曲池  
廣陌樹木蒼翳齋閣楚楚大堪婆娑盡日而返  
十四晴于襄甫玉嘉來謁存素之子余往報謁  
再面存素潤甫具飯南門竹園竹頗盛輔以雜  
樹齋室亦深曲可寄嘯咏者中甫設席北門園  
中乃存素受分者門內竹千竿如綠玉亦多古  
木惜堂室少靚深耳亦用昨梨園作伎中甫乃  
兄及潤甫七八兩叔俱陪王伯弢仲弢至留同  
敘先別余又留片時登舟中甫兄弟來謝遂乞  
見素先生傳元猛兄弟至舟相送衛司訓亦來  
送金華魏生偶晤于中甫坐上連日相追隨其  
人不惟精祿命之說亦佳士也送至舟中去獨  
後約明日晤于賀知忍宅是日知忍先回待余  
夜半放舟虎丘乞米僧附舟至蔣市

十五晴夜半微雨禺中到蔣市賀知忍作主飯  
後至田間知忍所欲規爲園者凡百畝池居三

之二種樹結屋之役尚未托始日西就席周子  
价以聞長兒中痘先辭去黃昏魏覺擣至以中  
甫書介陽羨曹生師建公遠納贄更餘賀七明  
佐治具見款此日有女伎三惜爲弋陽腔耳登  
舟主人相送雞亂啼矣崔林裕峰二上人金壇  
弔于見素之喪過船相見寶空上人附舟者辭  
往賀宅候發米

十七陰午前到惠山同沈及菴寺中泉上一遊  
惠泉汲十四甕歸船同及菴飲虎丘數壺甚暢

茶後小飲飲再烹茶至望亭泊舟午後有晴色  
薄晚仍陰晦不見月武林自武林至收稅內臣  
坐仁和倉牙爪張威道路不行終當釀變耳

十九陰晴早灑微雨余同及菴認卿試虎丘甚  
樂認卿云子价今早哭子而新价昨已至遣字  
相聞可撥哭分餉少許遂呼酒共飲各沾醉認  
卿相別已二年劇談頗暢价至得一小瓶黍濯  
試之甚佳似勝連歲飲數壺盡暮色而別忽有  
使至則馬心易家伴心易在此屬呼船相亞同

朱懋正公子過船見茶器在案烹茶進之則謂  
爲白水白水之名何以解于天下又自嘲矣  
二十二晴微有雲氣夜明星燦然早小憇超宗  
書樓一面芳女撫豹孫赴怡所席朱長午馮憶  
吾陪往將終席忽報李伯遠玄白兄弟舟中候  
一面亟赴之啜茶數壺而別次當赴項幼安親  
家席途中晤沈壻素升問董胡子陪不則十三  
日中風二十日棄世可憐短管絕響矣名深號  
海濱初家事亦厚散去而擅絲竹之技人亦擇  
地而蹈與相周旋二十餘年頃遊海上邀余書  
室陪奉數日意甚愜款交臂失之良可傷恨  
二十六晴辰刻到拙園新竹甚可觀飯後至四  
房看四弟婦及兩侄訪李君實盛草汀同往復  
挈君實看吳伯度康季脩仲脩已先至留敘半  
日晚歸拙園同茗椀之樂

二十七晴下午微雨夜雨徹明赴包襲明南園  
之約馮鑒之率二包生鴻達鶴齡迎諸途過船  
啜茶數壺鴻字儀甫鶴字鳴甫將至南園襲明

亦至既登岸園稍荒蕪不似昔年光景留敘竟  
日項生于王及德明先後至飯而別唐岐山胡  
仲脩嗣至襲明屬看諸生文廿餘首晚歸拙園  
二十八陰漸晴李生棟如因倪君肖湖稱贊其  
文豪奇可人也赴黃端甫席于鰻鱧堰莊家樂  
甚可觀二更而散

二十九晴黃又玄來同王季常看高氏所藏蘭  
亭僞物也又文與可竹雖真而裝裱脫神徐季  
常丘具之及驥兕同往飯後小輿入城看墨林

所藏法書名畫于四五兩郎宅有晉唐名跡及  
宋元諸公甚多所觀僅四之一已二十卷矣觀  
過者細錄一通附馬褚模蘭亭盧鴻草堂十景  
後楊凝式跋褚模王大令飛鳥帖保母帖獻之  
榻羲之清和帖墨跡桓宣武皯燥手跡唐宋元  
名畫十冊王右軍曹娥碑王摩詰山陰圖顏魯  
公湖州帖楊凝式萑花帖王大令鵝羣帖李北  
海跋趙松雪二羊卷孫過庭景福殿賦倪雲林  
獅子林圖文與可盤谷圖趙千里丹青三昧圖

鍾元常戎輅帖懷素苦筍帖張疇齋收藏定武蘭亭馬和之毛詩十二段虞永興夫子廟堂碑唐模神龍蘭亭蘇長公手簡一卷趙松雪淨土詩一卷沈石田畫記一卷周東邨寫人物

閏四月初一看定武蘭亭范希文米南宮宋景濂俱有跋吳仲圭西湖十景冊文與可暮藹橫看高卷黃山谷跋惟金庭紫芝蓋詩託謝康樂卽爲僞蹟矣詣鍾墳西星公柩前拜弔墳在海鹽塘二十里橋邊汎舟過包園將至沈汝邁新園遇別舟當路卽廻舟不及登是日項晦之德達各持名卷見示余獨賞定武水蹟本其爲趙子固所藏無疑

初十晴辰至西門過揖祖墓當徑新竹十餘竿可愛舟指武塘遣人送還諸友托看文字崔林上人相會于嘉善東門先時城門可進遊船以備倭收之僅可小船遂易舟造謝錢宅二叔公留敘會葉章含中所成所二舅至同敘至初更

坤儀在此約明日晤

十三晴康孟脩具筆札請余題東梵川額余勉  
應之連日遊衍竹樹池塘間甚適文初發案名  
在三等積學不遇可嘆連夜月俱有暈再宿小  
樓中  
十八風雨舟開數里以乘潮及順風舟行太疾  
爲柳樹所礙稍棚損墮水中舟後人俱雨立窘  
甚住舟撈物逾時始畢舟遂不行風雨淒然廣  
疇茂樹洗盞烹茶亦自有致下午開船行二十  
里宿廣鋪林

十九早微雨日中過清浦詣曹重甫宅陳箕仲  
顧君士騏已見待久矣重甫三子一侄選貢生  
俱侍坐見示諸畫梅花道人樹木趙松雪竹倪  
雲林山水小幅文衡山少年青綠山水黃大痴  
學董北苑夏山圖已失去半幅又文衡山所藏  
不全黃庭麻姑壇俱佳物午後大晴黃昏月甚  
佳二更登舟月復昏夜仍大雨

二十一晴過鍾賈山里許逢屠長卿乘小舟而  
來爲余所物色過船相見則以郡中人事煩雜

宵濟至此遂返至鍾賈山道者引至陸君策園  
居園甚幽勝曲房小閣依山依水事事得宜余  
與長卿甚樂之虎丘僧坦然等三人至知天濟  
已於初二日下世先二十八日金壇米四十石  
至扶病強坐侍僧舉佛號濟云吾去尚遲三日  
遂復卧至日扶起澡身漱口稱虛空有盡我願  
無窮漸不成聲遂氣斷嗚呼善哉沈伯宏十三  
日來攜李覓余不知今何在

二十二晴午後陰微雨同屠長卿諸君子遊天  
馬山歷嘉樹林圓智寺諸僧房君策具飯諸君  
乘舟余獨與陳箕仲步行憇僧房良久而諸君  
至午後回舟中小憇長卿同舟三君來二爲長  
卿諸孫一名本涵字仲容一名本茂字玄度一  
爲周生以新字新之卽草雙雙傳者各乞余書  
一扇余成同長卿過陸君策山居詩二首再過  
君策園園名畸墅是日設席款余兩人有二歌  
姬俱張姓長卿名爲入道不茹葷顧特戀諸嬖  
童所挈羣奴有陸瑤湯科五六輩而陸瑤特嬖

侍身畔不少離時時耳畔私語手過酒巵食之  
自言一夕可度十男女其可笑如此是日余醉  
嘔吐就榻小憩比醒始別主人登舟長卿業先  
行就其舟已卧寄聲而別余又啜茶二壺始寢  
是日得唐元徵宮諭書

二十四五更聞震雷樓亦微動唐卿亦宿樓中  
云夜半前亦雷雨余不覺也辰起登舟孟脩衝  
泥來送與許龍雀先別文初穉開送至李太滙  
啜茶三壺索許上海數字道地門墻而已雨氣

甚酣乍來乍止農家插秧已遍田間放水觸日  
潺湲園林煙靄所在成畫日中雨止適朱涇十  
里遇項生德弘往雲間過此過余舟一見而行  
二十六陰雨間作夜微雨入城訪客陳伯符母  
夫人物故于廿四日至此始聞具弔心吾年伯  
出迎語次示伯符年兄仙蹟初壬午歲伯符爲  
國子博士時夢八星墮地化爲七丈夫問其一  
星何不化曰子是巳子前身爲藍采和壬年來  
相迎耳壬辰冬伯符被謫歸又夢天樂來相迎



快雪堂集 卷之五十七 三十三  
明年物故先四十餘日見星隕于當湖之西南  
疑誰當應之先一日又有墮火覆屋之祥後歲  
餘有鄞人以乩請八仙者年伯召之家是日中  
秋默禱云云藍仙果後至諸仙各賦中秋月詩  
藍仙賦詩六章頗有家人父子情語惜別珍重  
如此才華故宜從仙趣中來耳

二十八天未明至吳閶先晤介山明宗二衲曹  
中貴名奉彌丹巖以不相遇發其逆鱗往往遷  
怒賴介山調停卯刻相見意猶怏怏同事趙君

名永號文熙爲曹所凌鬱鬱不得志屢至淚下  
其實領勅送經者趙也而曹以貴始令旨監之  
先是大士院幾爲中丞公所毀遲三日藏經不  
至事便不測天啓聖明三寶無恙奇哉奇哉  
二十九微雨早飯寒山寺遂同諸君過虎丘哭  
天濟上人此老願力宏深操持精潔再來人也  
同諸君婆娑千頃雲和靜讀書臺梅花樓噉餅  
竹亭是日之遊頗快意再從冶坊浜回舟過伯  
宏齋伯宏以病驅不能從別于其家舟至閶門

遇王百穀過舟談敘良久而別

五月初一有晴色漸見日但蛙聲甚壯恐雨尚未止平明解維過滅度橋而起風逆至平望泊舟成留題寒山寺詩一首超宗壻遣人持書吳中歸途至此得書并徐季常書此日清暇有筆墨書卷之樂

初六陰晴客來頗多殊煩應接陸彥先見待于昭慶默溪房二十餘日矣以貧見投良切不能爲之計奈何留彥先飲自辰抵暮甚暢見示近

作三首哀惋殊不忍聞又成自臥樓詩亦佳

初七陰晴夜月甚佳欲作曹忠甫別駕尊人三遊稿序遍尋來述一紙半日始得之文興遂阻暮與彥先同飲發平湖二書令與倪江浦也便附三項文學書又謝吳伯度餉石書初吳許惠米氏研山後以鷹石來以將遺美人而先以粗婢勝謔之

二十一早霞微陰犬傷新生小鹿前足主人因而斃犬連日噉芡實頗暢俞唐卿看康季脩盛

叔永以齋捧歸見訪談敘半日聞萬和甫鄧定  
宰少宰之訃和甫以閏月初二日少宰以閏月  
十八日天隕善人可嘆可嘆夜熱甚

六月十八晴熱爲建蘭作架薄暮雨且雷夜大  
雷雨超宗壻治酒池齋方劇飲忽報生孫起視  
星斗正子時矣客至四鼓始散

十九子時驥兒舉一男支干巳亥壬申丙申戊  
子爲財殺格身弱喜行南方旺運三十餘年命  
之曰奎徐茂吳來李玄白亦以返棹來辭留飯

于鬱金堂午後悶

七月初三晴風比連日稍和日午將至八尺俞  
唐卿往長蕩附超宗書約明日會于拙園日晚  
舟次平望王禮部門前同不磷南行數十步登  
橋瞻眺見雨將至遂返阻于途中索雨具狼狽  
還舟是日啜茶甚快新婢定名小星

十一雨竟日製生絹裡衣二寄四姬又製銘一  
首書襟上劉少彝來以熙臺年伯書寄送開府  
公留少彝飯

快雪堂集 卷之五十七  
十五晴赴許裕甫夜湖之約早多酬應禺中始  
得出城飯于大佛僧舍下午登舟初夜月邊有  
雲氣乍離乍合夜半月甚佳遊舫亦多徘徊二  
橋新堤鋪茵雜坐意趣甚高惜主人惜酒耳坐  
有歌姬二超宗壻驥兒侍遂至達旦孝升壻至  
十八晴晚從諸君子湖中夜遊坐客視十五夜  
少劉少彝妓增宋三候冬南至五橋待曉于新  
堤中橋頗稱盡興

十九辰刻入城奎孫午時薙髮骨法殊不凡連  
日見褻女黠慧開發時戲膝前覺甚可喜

二十四早雨午前始霽早往范村踐黃貞甫之  
約過吳伯霖不遇先隴設奠憇小樓久之始詣  
雲栖貞甫至久矣雲栖老人無恙飯後憇竹林  
甚樂吳伯霖亦至下午齋而別雲栖老人貞甫  
伯霖送出門外道虎跑絕湖而歸已昏黑矣  
二十七雨赴黃貞父靈鷲之約繆仲淳出鄒爾  
瞻書為乞伯母羅夫人墓誌銘慨慕久之羨長  
同行先至勝仰松舍伯霖貞父相聞遂至岫嶼

山房間訊喬古松留飯又往澗西聞持上人房  
抵暮而出是日有曹周翰仲淳夜遂宿其處  
二十九陰間微雨午前宋莊晤仲淳略悉范村  
排山形勢且知先隴的係小結王司理來初辭  
強之出見因訂明日雞黍之約夜雨

八月初五晴早候胡葵南太守于新馬頭胡自  
壬辰以丁內艱去守被論謫起復補官擢青州  
守余以嘉善于丞大謨之任有書相聞所寄三  
國志迺是俗本衍義向在南都一北臺使者見  
問所刻二國得非衍義乎余微笑語其實何獨  
一丞也

初六未明抵長安壩居停孫氏翁相迎余自庚  
午中鄉舉後往來於此今三十年矣孫翁兩兄  
俱識余今已故過湖州王老船至崇德北門上  
牽埠頭薄暮到西關過祖墓展揖夜到拙園宋  
宇菴出迎留酌及浴園中桂始開視武林遲二  
十日是夜陰晦無星

初八晴暖如夏訪沈道明父子商定超宗明年

下幃事午未間看豹孫拏週薄暮赴席

十一微雨至金橋而起成無題詩一首拙園晤  
宋仁卿黃履謙來履謙以閏月入京到監七月  
中歸晤姚善長侍御托致聲避客飯于小舟訪  
周彥雲兒壻俱侍抵暮歸拙園陳仲淳已久待  
于淨業堂矣得超宗字已往當湖約十四日晤  
于此宋仁卿作主相款坐至更深而別

十二晴午後微雨忽驟雨餉許而止此日俗稱  
鹽生日雨則薄收奈何夜月頗佳時有雲氣早

移舟避客午後訪吳伯度堂中有貴客乃訪李  
君實晤其尊人封翁盛草汀吳微之俱在坐薄  
暮伯度至同敘初更罷酒挈君實草汀過伯度  
沈景倩陸玄谷來同敘歸舟已夜半草汀宿舟  
中舟仍泊拙園

十六雨微寒加綿早移舟塘滙崔林上人項明  
瑞來崔林憐明瑞偃蹇屬為薦揚僧家意氣如  
此何忍不成之二君別去遂到三弟相湖莊山  
子侄迎至二里外項君山來同敘敬刺毛鷹秋

鳥刺毛鷹甚肥似在黃爵之上雨中移舟蕩口  
煙雨空濛大自有致倪姓隣翁餉鮮菱熟之甚  
佳三人共噉恨不與家人共之黃昏親船至余  
迎親家沈君先接酒次陪茶次陪前筵二更結  
親三弟率新弟婦出拜二庶見嫡頗不如禮沈  
親家似有怒意欲辭去余與周復初強留而止  
十八晴間有雲氣夜有月早發舟泊石塘灣早  
飯入城訪沈司馬于半郭樓居姚叔祥陪李玄  
白後至同坐午後出城項五官趙當世來姚叔

祥以所編後梁春秋訂正吳季倫來以仲虛兄  
行實草見示屬爲改潤乞志銘王養恬來面送  
請啓晚赴吳伯度之約噉黃爵蟬黃爵已肥  
十九晴間微陰微雨過金橋將至羞墓亭晤一  
遊船相訊則門生朱元价太史也過船盤桓久  
之過中而別可當奇會元价將過四明弔唁周  
寅所宮庶因遊西湖洞庭云至王江涇別  
二十二晴五更稍寒晨起已過夾浦橋矣日中  
到葑門舟泊徐園舊宿處垂柳無恙木芙蓉且

放花矣半日無事爲徐季恒跋朱元价所書雜  
咏唐卿與信奴至閶門數字訊沈伯宏又數字  
與許裕甫索湖船相接抵暮還方同步松岡而  
沈壻已到舟中談飲逾時超宗小舟往閶門約  
明日早至夜明星爛然  
二十三晴午前微陰洒雨數點時雍早至粥後  
季恒同張慕江來謁張識余二十七年前沈太  
公清泰門宅是日坐中有文五峯余時二十五  
余能憶文不能憶張矣張餉余文五峯書卷一  
又示余畫數軸余獨愛沈石田學王大癡一幅  
又文王此一枚夔龍足甚佳汝窰小罏一花瓶  
一俱佳季恒方病便紅余甚憂之喜無害又得  
題跋喜甚飯後余訪徐少京兆與諸君別京兆  
無恙留飯晤陸五湖之子存湖坐客三四人俱  
徐氏戚也仲雍出陪席罷邀余書房看諸郎文  
并擬題盡夜歸舟

二十四晴解維至石灰橋墅外待超宗未至孫  
子桑來同飯成貞菴來又程生訂期許之明日



無何超宗舟亦至同諸君過船飲遂至石湖途  
中平林遠山甚佳至楞伽寺散步覓僧房小憩  
報徐文江至以刺相聞待之良久而至談敘逾  
時別去又至別僧房有閣古木一株橫枝當窓  
可望石湖數酌登舟已見落照矣歸至胥門成  
貞菴別去至祝家河別超宗諸君移舟山塘趙  
姬相覓水陸並進竟不遇如憐其意

二十五晴早移舟半塘寺後長松樹邊孫子桑  
來餉蟹二十隻頗肥酒六瓶啜茶數壺茶畢烹

蟹六隻共噉余噉其二程長君公衡具席舟中  
已至遂別子桑超宗與姬馮一客數人至遂同  
過程生舟移舟泊稍深處有梨園不甚佳初更  
席散別主人及成貞菴余及超宗二舟移二山  
門浴于鐵佛菴從者及舟人俱醉有相酌者小  
人之不可醉如此舟中烹蟹十四枚噉客各二  
枚又出雜肴喫酒反更有興長歌浮白似勝卮  
晝萬倍夜半超宗過船

二十六早陰移舟尼菴前去二山門數十武王

百谷來百谷偶以送殯至其蒼頭顧見余舟遂  
得一晤啜茶數壺而別約東山回日以數字相  
聞當出晤于跨塘橋耳超宗來自詣輪關主精  
舍在鐵佛菴之後地甚幽勝乃善才菴故址新  
起樓房北望虎丘浮屠輪于達觀師有舊恩故  
拔之火坑中幸不失僧相耳鐵佛遠了上人留  
敘超宗別歸是日朱支中來

二十八晴早起見月如鈎有霧日出霧微開始  
揚帆湖天空曠霧山微青風帆映日處處可入  
圖畫恨古人筆端未工耳中流湖浪頗高余作  
詩二首未成已到裕甫宅矣裕甫新書房乃巳  
丑歲所築余以戊子一來今生碎邪巳十一歲  
矣南庭一松甚佳薄暮同裕甫諸君閑步過其  
從子明黼新樓樓枕東山南北俱短窓不蔽山  
色製亦壯麗可以遠眺歸而晚酌宿于新書房  
二十九晴熱早期出門爲興福寺之遊粥前翁  
生正學許生明黼來謁又明黼友嚴生克弘來  
謁登舟後王問琴王雲臺二人來裕甫招之也

問琴善歌爲江南之最雲臺善簫又裕甫親家  
曹士完舊識嚴與洲時升同來四君遂同行舟  
行約十里自葑山取道至興福地甚幽富枇杷  
松竹班坐枇杷林中驩飲逾時僧去塵相送登  
舟興福地名俞塢其中有奇物下手山數重局  
勢完密湖山往來觀之甚妙水口地名重亭舟  
至葑山登亭小酌會張慕江者來同敘舟中噉  
蟹項五官遣人舟追來索序晚粥後勾當其事  
期明日遊西山

九月初一晴留張慕江鐵櫪大椅二把沈石田  
擬王叔明畫一幅長刻汎湖由東路往西山初  
發時爲諸君寫扇六七握不覺已出大湖波濤  
不興水光接天羣峰遠近倏忽變態飯頃已達  
西山先遊龍洞登岬東行約里許而至洞中俱  
水不可入左遶數十武羣石崿岬壁立行石間  
十數武石罅忽裂其中深窅不測上題賜谷洞  
外有范石湖題名入數丈而止其上羣石離立  
各選一石踞之急呼酒未至循陸路登山將至

巔見數石玲瓏可坐舍之而登至巔巔有靈官  
祠祠右俱石如蓮花開敷坐之望太湖幽隱畢  
察祠之下數步有石象眠或題之眠象岩下山  
物色所見玲瓏數石甚佳呼酒亦至藉卉數酌  
再至華陽洞又數酌客吹洞簫倚歌一闕乃往  
包山寺石徑三四里而達初見雙石幢乃寺之  
正路余與唐卿由山右里許覓路由殿左而入  
禮佛諸君已相待久矣僧惟竹乃舊居停主人  
余乙酉前三遊一偕伯宏子晉一偕達觀師了

凡康孟脩最後偕陸臺翁管登之密藏兄繆仲  
淳俱裕甫作主今十五年老僧四五俱已遷化  
菽寺橋大樹已不存三門外松十數章已長舊  
圍甚可悅也憇坐橋上久之入噉蟹又數酌已  
薄暮余由寺右登山閒步久之寺僧設浴浴罷  
就寢于惟竹山房諸君猶有餘興簫聲徹于耳  
更餘聞風作

初二晴熱至可單衣包山凡四房居停爲西房  
堂額王文恪公所題曰卿雲主僧曰惟竹余卧

所惟竹山房四字王百谷所題南房僧曰無心  
新治一室東北二方面山頗可坐殿後有慈受  
禪師小像自贊碑蓋慈受深也年月紀建炎四  
年粥後步出山登舟約三四里不十里至石公  
山將至遇一僧乘小舟來者乃鶴林上人也得  
李君實書知本縣將起社學欲擇楞嚴空地君  
實與沈俞毛三孝廉縣體余意爲之居間業已  
停止因通一紙代君實布謝鶴林得書卽泛舟  
胥口去泊舟處爲王氏叔曰春宇姪曰昆吾余

乙酉歲從陸五臺先生遊阻風再宿其家余都  
忘之矣登石公之巔山俱石無土宋時採石虧  
損甚多此山與龍洞雙列蓋中有融結此爲捍  
門華表耳下山選勝得大石數塊如巨靈所分  
東瞰大湖頗避日色又選最平一石踞坐其上  
會二王君移榼至與諸君各數酌登舟向消夏  
灣石公之右一山支而入湖約五六里過此則  
山如環僅開南面五之一中抱數百家自爲小  
湖西山形勝此爲最佳處泊舟時已薄暮同諸

快雪堂集 卷之五十一  
君散步而西至曠而多樹處稍盤桓而返余舟  
以過山背時風大緩至一時是夜宿舟中消夏  
在縹緲之脇其勢向東南行不知融結如何耳  
夜起風甚大

初三陰間微雨余發輿登縹緲諸君無不畏縮  
而余不顧裕甫覓筍輿得五余與伯宏唐卿先  
而上問琴雲臺繼之上輿轉小巷便有數點雨  
已而轉疾旋止約五六里或夷或峻惟登峰里  
許尤峻石徑連柔不絕相傳山巔有廟則村民

患盜遂廢既登巔風甚勁疾乃隱於平處坐石  
上與諸君酌數杯而下審縹緲正支已落毛公  
山而去計融結非遠正用龍洞石公而鹿頭卽  
其尾也村民多種梨春杪花開十里如雪登巔  
遙望茗雪陽羨諸山如翠屏環列而吳中諸山  
在左太湖如鏡浪舟如葉與風上下真奇觀也  
登舟而飯復登輿遊法喜菴三松在庭甚巨其  
最大者徑之可兩人圍再入不里許爲上真宮  
耆年出迎茶有橘林十五六樹結實垂垂或黃

或綠循松林而出其大者二十餘與法喜三松  
相望班坐大石上又數酌而起僧懷竹指芝頭  
嶺相去甚近遂從之居民一村則葉諫議逢春  
族也諫議次子與雍中弟子今長子尚居故處  
嶺瞰太湖坦夷可登高松數十或欹或偃大有  
姿態又有喬木數章相映茗雪諸山手可招也  
班坐又數酌起而之奇村石佛寺寺火于成化  
間今葉諫議重興僅一椽屋後石洞鑿釋迦文  
殊普賢三聖傍列羅漢而小此石佛所由名也  
寺僅一道人守之欲覓金錢施之而不得許其  
明早到舟時已暮欲到小龍觜未及也登舟卽  
雨夜風雨淒然而風尤勁

初四大晴青天無翳西北風慄悍不敢開船粥  
後同諸君散步西南折而行遂至小龍觜小龍  
觜者其處爲坼村出綿紬甚佳其精如絨價三  
四金小龍觜之山瞰湖東南沿山細步奇石如  
林蓋山入湖湖水漱去泥山石中空波濤噴薄  
山石怒號儼然一部水樂客扳援選坐大石間

如飛梁如怒猊渴馬者或斷或續約三四里余  
輩有勝具者意頗飛揚惟伯宏病夫乃能鼓興  
爲難得耳飯後裕甫以事先行午後移舟維空  
曠處又輕舟至安山回舟見諸山如環送夕照  
迎新月大自有意夜風止  
初五晴黎明解維過安山而起安山者消夏灣  
以爲印沙蔡老夫婦居之地十八畝歲出租一  
金直西樹木蒼翳夏月無暑蠶蚊先有石將軍  
廟紅軍反時煙霧四塞不能進紅軍以爲神所  
爲也斷神之首瘞于坎中今猶壘壘在也近安  
小范太原王相公俱到此已過山嘴舟人云風  
變東南不宜取道長旗嘴乃由山後行至周灣  
登陸西南行逾平嶺折而東南所在有松林可  
憇平嶺有新廟僧四百居之不及到下嶺二里  
許憇真武廟裕甫施金所蓋憇良久歸裕甫齋  
中陸生萬里字季鵬來謁而徐娘母子亦與裕  
甫先後至見待一日矣夜酌頗有興二更始卧  
連日涉歷登頓獨余矯健餘無不病者伯宏有



家人暫歸寄數字管席之

初六晴微陰夜仍見星裕甫治具舟中邀遊武  
山稽山二山了不足觀但放舟湖中回望東山  
菰蔣極目波濤不驚足娛人耳

初七晴先遣游船渡湖待于木瀆午後起風薄  
暮微雨遂沾漑夜雨徹明不止許生明黼設席  
樓中見款得仲容報書又得管登之書論學問  
之事亶亶數百千言良是畏友

初八雨赴翁見源酌晚歸宿許氏齋中夜酌甚  
有興

初九早微雨天氣屢開屢合余決意行欲從水  
東輕舟疾渡已乃乘風由白楊灣竟至石湖重  
九日遊人大集吳山以日晡至尚有來者先遣  
伯宏使往胥口知會朱家游船會于行春橋竟  
同時至裕甫與陸季鵬送至石湖夜同宿橫塘  
夜微雨

初十早陰雨午後漸開夜初更後星月皎然早  
與春谷相聞日中前得書午後移舟由花園涇

快雪堂集 卷之三十一  
詣寒山先別王問琴徐姬母子余先至寒山徐  
季恒同過黃昏袁明之至許裕甫陸季鵬沈伯  
宏嗣至二更歸舟鷓首看月

十一早雨陰雨竟日別裕甫及季鵬同伯宏旭  
上人訪法光上人于正覺菴菴去楓橋里許上  
人剏齋僧道場于此歲費數百石信施雲集不  
煩措置晤柔菴上人自白下回得于中甫程遂  
所報書又磬門無虛上人致袁坤儀管登之報  
書歸寒山伯宏晚告歸夜頗清寧

十二陰晴間微雨夜有月略雜雲氣住寒山竟  
日伯宏同趙伯羽徐生元節盛後省顧搏仲至  
搏仲伯宏壻名雲翥徐生有旦日之約同徐季  
恒後省過鳳皇墩踐僧約邂逅陸彥先伍孝子  
玉川彥先欲拉予過伍生齋予以有事辭之歸  
寒山噉齧同朱支中沈穉咸後至僅分一齧徐  
伯諧來鐵牌僧曇雲者燃指修普陀殿閣以傳  
伯俊疏介彥吉求見余讀其鐵牌深生悲敬欲  
乞余一敘普陀去九月遭火并

今上賜藏因緣余許之

十三晴早移舟至闔門泊半塘寺後松樹下徐  
生元節作主具酒舟中徐生滋胄先至拉遊其  
家治坊浜園竹樹甚茂木芙蓉盛開如錦繡旁  
帶隣墳長松數百樹惜無精舍憇息耳久之主  
人至而僧自金山來者以緣事相勸大自可厭  
張異度來先別赴徐氏席相從諸客俱在坐薄  
暮詣千頃雲觀落照隣房徹天小閣正當夕陽  
尤可憇也讀書臺看月數酌而徐生伯諧至步  
至千人石羅坐又數酌再至主人舟中始終席  
徐季常忽中席私回辭主人後善才亭輪上人  
招浴赴之朱支中沈伯宏宿于僧舍余與驥兒  
唐卿步月松岡寢時已三更矣

十四晴晝多雲氣尚虞有變日暮纖雲廓然夜  
月佳甚爲一秋之最早晤無著上人同伯宏支  
中來張異度治具舟中相邀爲竟日之驩是日  
始盡山後諸勝伯宏云舊有大樹數百章臨水  
障日戊子歲飢悉爲人盜去晚至花園子處一

快雪堂集 卷之五十一 四三  
范姓導看白山茶甚盛又白鷓花者來自滇中  
有蕊如珠十月初開其人甚珍之一樹大者直  
二三金顧生晚至同諸君坐月石場遊人頗稀  
一更後回舟中遂別異度伯宏諸君粥後同支  
中無著唐卿再至石場清坐逾時忽聞歌聲不  
覺興高索酒舟中各進數酌回舟烹茶就寢已  
三鼓餘矣沈超宗遣使至

十七晴西北風夜月佳甚赴長洲令席于虎丘  
管登之陪日中後卽上席薄暮移席千頃雲望  
遠山落照甚快是日晤陸祚先相別五六年矣  
夜再晤指引一目鐵生眉目疎秀果名士也作  
數字屬祚先與于中甫舟中宿客有陸純孫以  
去秋別於白下伯宏支中送至虎丘而別

二十一晴微陰成登縹緲峰詩秋日泛太湖二  
律至合路過小舟至長溪超宗夫婦無恙豹孫  
略瘦黠慧不減約月內往武林歸寧間覩雲林  
小橫卷夜宿西樓得一小豎十歲而肥默頗堪  
應閨

二十四霧遣人謝顧海陽放舟回郡作鐵牌上人悟十二願伽陀日午至拙園宋仁卿入城周彥雲來知龍章侄以蕩事尚氣得罪於沈純甫純甫至形之詩勸余爲書一謝弔彥雲四弟喪偶王季常李隆吉二弟張子書麟角駒駮二侄盤桓至二更而別

二十五晴霧稍輕東北風揚帆直至語溪留唐卿勾當故里諸務遣聘朱良叔先生明歲課辟亦讀書又沈孝升劉少彝二書是日成維舟拙園詩補小龍渚宿包山二詩又作李隆吉豫章篇序

二十六霧晴行十八里天明日中過塘栖遂易小舟薄暮入關關使新易乃舊屬李君成林也至新馬頭索肩輿入城至家尚未黑夜暖宿鬱金堂三姬侍

二十七早陰微雨午後晴暖吳中甫與孝廉弟來許龍雀來因中甫得施省陽之訃此老忠朴樂施晚而有子今年僅五十八一疾而隕良可

傷愍午後索肩輿臨其尸龍雀新義七首甚佳  
儼然先輩典形猛進可喜

二十八陰晴李民部成林來實代金君主關政  
吳生惟吉與兄惟謙來乞其父仲虛志銘許裕  
甫餉蠲五十夜與家人共盡之連日暖

十月初二日晴于中南來知瞿元立已入城將  
過余無何其弟惺卿汝說先至坐久之元立至  
會李次公來同敘飯于池齋遂同往湖中超宗  
驥兒侍錢塘門舟中介山法主來同往湖南欲

覓晤虞長孺介公往探之知往西溪未歸汎舟  
六橋堤步自五橋至三橋登舟已暮昏登新堤  
步至中橋入舟二三相知忽然萍聚真快事也  
中南以宇泰病明早將自茗溪急歸而元立亦  
渡錢塘赴邵武任矣

初五晴暖早謁監兌使者北人姓靳新進士丰  
標議論自是俊人過吳欲延陸彥先而未及其  
氣品可知

十一晴暖夜微雨張望湖來楊蘇門治具于孤

山宋氏莊招敘赴之司馬公虞長孺楊杏里陪  
十九晴寒項于王戴升之來留于王升之飲于  
鬱金堂遷坐自卧樓升之已取一等科舉而于  
王不見收乃反見知于宗師亦異矣  
二十晴寒冰謁學使洪君相接甚恭謹語次及  
項于王朱良叔張生懋勳來水近江爲水二被  
侮事來赴方孟旋雲居之約吳伯霖同敘聞鄒  
四生陪飯後登山頂雙松甚佳南山層疊如屏  
亦微見西湖乃芟去繁竹呼酒共酌地甚勝宜  
小軒三楹廻巖上人願任其事非五十金不可  
相傳佛印坡公昔曾寄寓軒後爲一室祠兩公  
亦盛典也下山再命酌選地于前堂湖山至此  
又一換面目薄暮有暝色乃經圓通殿前殿前  
面南山更勝出山門步松岡至盡處前山後湖  
巖石奇怪大宜結菴微昏與諸子別

二十二晴和無事早有霜張士魯陪吳愛齋來  
索觀玉玲瓏右丞江山雪霽卷談敘竟日  
二十三晴和早有霜赴吳伯霖一真堂之約在

江干同無著上人方孟旋卓去病飯後登山眺望甚快無著自陽羨至得俞羨長書得周叔宗長安中書

二十六晴爲項君卿作少岳先生墓誌銘盡日始成次卿君卿同榻于自卧樓之中層

二十七晴暖李質先介葛生寅亮稱贄

二十九五更起風早陰寒晚微雨出湧金門赴放生社錢長人爲主至岳墳而返今日爲內人生日石氏二內侄凌雲某及德清蔡仲子至

十一月初一日晴佛室禮佛禮祖先及叅神如常儀李秦二孝廉治酒昭慶僧房見款鄭孔肩戒山法兄陪張衙老班演鄭元和以林觀察宴客門禁稍寬得盡主人之意

初四陰入冬此日最寒沈薇亭二子設席湖中款余及臧晉叔諸柴及伯皋陪以風大不堪移舟悶坐作戲戲子松江人甚不佳演玉玦記黃昏入城早間月堂界公同戒山來

初五晴寒視稍稍和早過吳中甫以善鑒者金



快雪堂集 卷之五十一 四十一  
桂峰在往乞一相渠甚相賞謂余功名未艾余  
業灰心世事矣萬一不固青山非漁先生面孔  
中甫置酒相款柴仲美江孝廉諸君相陪日晡  
始得歸歸又遇嚴慎吾子爲蘇運長乃郎乞四  
書題一時手四書摘二百題與之亦不能精也  
姑以塞其意耳

初六晴和早西北風夜月連夕俱佳赴雲居四  
生席趙孝廉慶叔方孟旋陪酒半從後山登達  
觀亭故址江湖及諸山俱聚目中大自神爽夜

### 宿前房

初八陰未明金相士來看氣色遍閱諸姬殊憤  
憤戒山來約輕舟就議諸法門事潘陰陽來商  
開井方位擇十四日寅時起余別陸先生又對  
門別岳母襖女戀戀必欲相從三姬亦不勝情  
甚難別其母子出門襖女先坐輿中相待給之  
出反顧聞哭聲兒女之情彌傷老懷

初九陰微雨高卧將至五林頭而起日中到塘  
栖晤善琴者周續之吾同里徐南山弟子爲余

快雪堂集 卷之五十一  
四  
鼓楚詞九歌周南諸操令人益念南山耳沙上  
人以水陸像四十餘幀追予亦晤于此又晤雲  
隱菴穎吾上人

初十大晴行二十餘里而起連日有安寢之適  
亦南歸所少者日晡到璉市茅鹿門先生出迎  
尚健但耳重非以筆爲舌不能相聞孝若亦稍  
健羅元甫爲婦病歸王季常在館設席大廳相  
款坐客有吳子野吳用修用修後至鹿翁以疲  
先入孝若出伎沈寶者侑觴歌聲帶啞

十一晴戒山介黃生朝聘謂爲其父乞志銘午  
前鹿翁陪遊宅東園乃薦卿所構中貫流水通  
大溪有樓有水閣竹樹亦森映有崔二得之陸  
季高者而飛來報鹿翁鹿翁信之以誇客老人  
之可愚如此主人設酒廳事見款鹿翁送盃筋  
畢辭之令入內孝若仍出伎侑觴

十二風作下午有雪勢頗猖而不積薄暮止早  
辭鹿翁鹿翁連日早出見候余尚未起意甚勤  
渠臨別必欲面送耄而能敬客前輩人也與孝

若諸客同詣吳用修風逆舟行甚難相去四里而行如十餘里王季常同舟坐堂中正值雪作亦一段佳景用修三兄弟俱出陪  
十七晴旬容張生榜有閩中之行見訪于此相接園中又以從行者儀真葉生有聲謁葉生以取文行盛叔永來同飯飯過葉生至出文相示佳士也

二十三晴日中詣吳仲庚留敘以諸友俱至吳闔相陪惟周子价一人親家相體席僅小設略安恬素之意親母遣二婢到舟起居新姬并送席夜辭仲庚送至舟中

二十八早晴午後陰夜雨項五官邀飲閱珍玩惟李營丘畫卷孫過庭景福殿賦草書李唐江南小景又夷齊采薇圖所未見者

二十九陰雨項于王設款舟中李君實同敘舟泊秋涇俟之回翔曠處黃昏各散連日茶事舟中靜對甚佳客前便遠不如亦怪事也

十二月初六日陰早泊舟五里亭遇盛叔永約

同行相待于積慶午後送舟至甯風雨行夜至  
積慶叔永至同晚酌

初七晴大風甚逆舟不能開叔永再歸下午至  
風稍微僅至平望吳海洲相聞李晉國舟  
初十晴角里拜客晤屠冲暘沈瀛壺黃履謙赴  
徐子有招同賀伯闇士雲爲竟日之驩

十五早移舟東湖作黃樂野墓誌銘顧司馬夫  
人祭文稿完已暮介山雲厓二上人過談二更  
別去舟泊東門晚微雨

十七陰早送陸莊簡公之葬德清許敬翁以題  
主至因得邂逅盛叔永與項長公德純俱以送  
葬至因得聚談遂同過叔永輕舟回至東柵口  
分路

二十二晴風大不能行宿于泓里三家村是日  
立春付還吳仲虛墓志銘遂報家信

二十八風日甚美大有春意遣驥兒謁李本寧  
憲使下速帖出城至湖上候迎憲使公以午初  
至舟至岳祠岳氏子孫出武穆公遺像及思陵

快雪堂集 卷之五十七  
與武穆勅岳珂勅二道岳雲遺像見示思陵墨  
妙足度越米蔡諸君矣憲使公登六橋易角巾  
議論容止不媿玉堂人物如此人使之奔走藩  
臬宰相之罪也是日周申甫驥兒俱侍

三十日晴逋負追逼囊資一空享祖先闔家分  
歲鵝兒以中微寒不與內人諸姬洎兒媳共宴  
于鬱金堂宴畢方同諸姬閒坐聞北鄰火發欲  
登三層樓觀之余同登計當在鹽橋左右報至  
果然是夜西北風火勢甚盛俄頃便當蔓延良  
久計無出問郡邑諸公尚未遣救乃發書促之  
時夜已過半遣諸姬俱聚前堂以觀變俄而風  
稍戢火延皮市遂止勞攘一宵幸而無事

快雪堂集卷之五十七

快雪堂集卷之五十一



入情無出問唯是  
報效已過  
入情無出問唯是

快雪堂日記卷之五十八

秀水馮夢禎開之著

庚子

正月初四日晴歲前易種鬱金堂前綠萼梅已  
放花延周姬教小星等三婢唱曲午後為坎里  
之行申刻登舟高生弘道湯生允元自故口來  
執贄夜宿橫里

初五日晴過塘西金午川見訪遇于途過船共  
飯高湯二生來將至語溪暫別夜宿崇德北門

外自除夕通夜不寐遂發目疾初三日頗甚今  
尚未痊

初六日四鼓開船平旦至皂林而起天色微陰  
漸晴午後至郡西門過先隴致敬金午川同行  
過午川居晚至拙園宋仁卿相迎留敘同午川  
空庭觀星熒惑在柳而歲星在星相去不盈丈  
下對軒轅占臺曆差十餘度

初九日晴微寒風景倩設席預張燈月色佳甚  
放流星火樹連夕俱夜坐或至夜分是夜別主

人

十一日晴逆風西門晤嚴蓋夫李伯遠買鹿角  
膠十斤夜宿石門見參井間有客星之異

十二日五更開船晴過語溪遇項明瑞以燒香  
行宿塘西先泊華嚴閣前同午川閒步閣僧立  
禪者邀入坐詢知爲余深相敬禮造餅爲供其  
處接衆日飯過往僧百餘僧秦人年三十餘立  
禪三年于此故以爲名

十五日陰微雨中秋雨之應也目眚略可石二

快雪堂集 卷之五十八  
舅二阿公來夜張燈

十六日陰晴間雨鬱金堂前綠萼梅大開樂之  
津來大兒出接李君實至館池齋夜張燈再迎  
韋媪治目目略愈

十七日晴間陰雨邀樂之津敘先過天竺薄暮  
至李君實赴鹽臺酌不得共敘君實索觀王叔  
明小畫卷宋高宗瑞應圖大卷目眚愈但腰間  
作楚坐卧起居良自支離苦不可言二姚生光  
世光治來世字賞延治字平子留與君實之津

同敘夜張燈

二十三日陰寒朱君輿戴升之來齊菴僧同梵  
僧二員來謝爲換給路引留齋鍾生世芳同敘  
出所藏梵書寶王論渠讀之如流水云唐言金  
世明經阿彌陀所說譯之有三部法華部帙夜  
留宿廂房與金太初同處

二十五日晴迎準提大士供新池齋移梵僧容  
處梵僧年長者始四十餘梵學精博書梵呪爲  
小兒護身甚驗內人乞指畫九首十八臂準提



像一幘禮供經營於此日

二月初五日晴徐茂吳款劉道尊李本寧憲長  
邀余過陪坐至二更余左目復生眵是日茂吳  
齋中見鍾紹京所書五帝六甲經後有倪雲林  
本朝王英等跋此亦佳物

初六日五更雨午前雷雨送梵僧二歸徐菴先  
于飛來峰指示諸梵相尊像僧所尊者爲救度  
佛母此中具二十一尊首微邪震旦惟飛來有  
此相楊璉真遺迹也勝仰松同新住持具飯相

邀于方丈飯畢拜徐菴梵僧一禪教一大寶法

王教禪教者通習教典根器明利卽前放施食

者今日復赴松壑菴尼僧施食泊驥兒金太

初俱赴其茶供其處卽何氏梅園也余疑其留

到詢其故始知之今梅少衰矣憶庚寅歲同包

長公至此看梅來道之與馬賭酒勝負道之時

戒葷負卽以餅代酒道之連噉數餅爲之絕倒

今轉眼十年矣歸途訪卓去病稚穀于孤山四

賢祠稚穀張生出迎去病別住瑪瑙寺不晤歸

已暮方次卿至婦病尚未起先是余在飛來雨  
止既歸復雨雷雨經夕徹明

十二日雨赴吳中甫及弟孝廉君之席二卓胡  
休仲柴長君周續之陪雨中看山桃柳亦增色  
此另是一番光景遊客未免大損匠者治三層  
樓窓新池齋治花屏

二十七日晴范村上冢欲面致放生請帖于雲  
棲遇之江干午後畢事絕湖歸

三月初五日晴梅花嶼款安小范吳季常陪徐  
茂吳以上冢不至酒後步沿孤山一周別于  
望湖亭時已薄暮介一晤登山松間盤桓  
桓良久而別二更後雨

初九日晴氣昏稍和徐檢吾來金太初看宅氣  
自卧樓遠西南而迴明潔如練如天河之狀日  
中付孫生爾嘉湖南之約同屠長卿虞長孺下  
席秦水玉康季修又露若沙彌侍季修自吳門  
來遂爲不宿之客

二十一日陰晴微雨襖女受陳孟文長兒紹英

夕雪堂集 卷之五十八  
已暮方次卿至婦病尚未起先是余在飛來雨  
止旣歸復雨雷雨經夕徹明

廿二日雨赴吳中甫及弟孝廉君之席二卓胡  
休仲柴長君周續之陪雨中看山桃柳亦增色  
此另是一番光景遊客未免大損匠者治三層  
樓窓新池齋治花屏

二十七日晴范村上冢欲面致放生請帖于雲  
棲遇之江干午後畢事絕湖歸

三月初五日晴梅花嶼款安小范吳季常陪徐  
茂吳以上冢不至酒後同步沿孤山一周別于  
望湖亭時已薄暮介山席間一晤登山松間盤  
桓良久而別二更後雨

初九日晴氣昏稍和徐檢吾來金太初看宅氣  
自卧樓遶西南而迴明潔如練如天河之狀日  
中付孫生爾嘉湖南之約同屠長卿虞長孺下  
席秦水玉康季修又露若沙彌侍季修自吳門  
來遂爲不宿之客

二十一日陰晴微雨襖女受陳孟文長兒紹英

聘名禊女曰靜婉屠長卿以是日爲中原之行  
二十五日陰雨晚晴是日立夏陽羨曹公遠遣  
使相存并得繆仲淳書約非久至此作陸五臺  
先生遺愛碑記連日俱陰寒

三十日晴謁劉撫臺不面晤姚江孫太史如游  
乃七科後輩執禮甚謙面拜孫太史太史卽來  
面拜金太初俞唐卿自峴中採茶回得廟後五  
觔洞山六觔俱攤葉尚缺茶直一觔試之果妙  
太初具述採茶曲折王問琴與金俞同來

四月初五日雨張詰門自南都至餉羅小華墨  
綠石子研是司馬太守家物得之半山寺者宋  
板唐書門目南都野紀活人心三書超宗壻自  
家至是日俞唐卿喜酒設于前廳作戲

初十日晴湯嘉賓來面以初見行再拜禮期丁  
存吾陳舜芳明日往西溪連日橐中空空甚苦  
調度

十一日早出門晴至昭慶平山房待丁存吾陳  
舜芳久之乃至訪臧晉叔不遇遂行小憩佛慧

古亭不在桂亭邀至其房具飯相款陳君披頭  
火星下落平洋當有奇物至石人塢覆冲天木  
星結紫氣穴乃江氏業欲求售者其隣亦有一  
物足稱並美過斤竹嶺至西溪途中有凹腦天  
財地小憇瑞庭房往荆山細觀七十二賢山已  
得腰結其盡龍粗中出細有大鵬展翅之狀惜  
石像爲斧鑿所傷耳遂乘輿而宿月甚佳

十二日晴早遺文中回作嚴倅劉荆湖書早飯  
出門往光明寺途中得白栗山美女鋪羶落坪

洋之地具陰陽二用過大嶺又得土腹藏金美  
陽立穴對太陰之地凡二十里至光明光明正  
結已爲丁存吾所得已結生穴龍虎重重來龍  
木星端聳重厚夾從亦多餘謂此地富貴綿遠  
所見當屬最上存吾以五十餘金得之又有樓  
房可謂奇緣寺乃白虎沙所結左右前後山業  
俱爲傳養心所得存吾作中飯主人飯而行途  
中又得蟠龍地祖宗亦是木星形局不小過小  
嶺又得馮氏木星地主人已葬其左凡十五里

快雪堂集 卷之五十一  
至風水洞水洞甚佳亦善卷水洞耳索酒飲于  
其中良久至寺居停上人房房依大石山石甚  
奇存吾等亦余同陳君賞玩又進數酌樂而忘  
歸

十三日早主僧具飯相款出寺得一物乃蘆  
花蕊脉粗中出細後坐玉屏曇山爲師子形正  
作水口來龍風水洞山純石作頓旗形龍行嫩  
活陳君謂富貴綿遠之地過曇山其後山墜厚  
亦有結作過朱橋看李氏山金星開口地甚真

主人且棄之天以見資未可知也飯于范村山  
樓舊地陳君不取卽范村正結亦在所忽惟取  
排山陳氏地謂盡五雲則余所驟聞者從進龍  
埠取道虎跑憇寺中良久舊葬之山亦謂無有  
其所擬有在尚未示余赤山埠覓舟從湧金門  
而返得劉荆湖書以病迎劉雪泉且托治木人  
事不測如此

十五日雨文中等衢州市木附書候劉荆湖病  
畫準提大士文殊大士成梵僧加持治齋事請

佛佛降三人持盤盤轉動如扶乩之狀直入鬱  
金堂而止迎陳舜芳下羅爲改門之計擇來年  
正月初三午時仍移至中與二門相對其日爲  
月德還宮上吉之日下午雨止

十八日早微陰漸開晴陳翁夜嗽稍不安而余  
酣卧甚樂覆積穀山陳老謂太陽金星飽面宜  
取波瀾穴左首新置山無穴情下羅正對冠山  
丑山未向飯于舟中沿金鷺山之東北陳老取  
土角流金師子形糞門穴地勢甚雄偉向以爲

前山之鬼而忽之未嘗一視也回舟傍山而東  
得正體天財一穴卽舊歲俞羨長所擬此爲正  
結又自城山西汎舟其水西流至永安橋與上  
陌水合繞出金鷺之北則金鷺全勢俱落眼中  
陳老謂飛龍勢東西二地氣力相等東正而西  
奇果與地鈴合二十年疑情頓破矣至城山寺  
太陽金星垂乳結紫氣穴面北亦佳一日而定  
四地非常之快也再宿城山寺莊蔡氏二子同  
師胡泰游出陪胡卽陳老姪壻夜星月皎然

快雪堂集  
卷之五十八  
五月初一日晴茅薦卿來同赴崇福菴齋菴爲  
十方接衆道場蓮池老人曾兩結夏臘其中諄  
諄以興復爲念向爲青衿所擾主僧一菴不能  
安以病辭去更屬中源上人主之源京師人  
初二日晴施翁自蘭溪來翁爲陸敬承妾父傳  
余六月六日澆頭一法乃陶真入傳嚴介翁閣  
老者法用新汲井水正午時對太陽以水澆頭  
一歲一碗先澆一碗覺寒沁頭面四五碗便覺  
清爽去頭目諸疾至老日明耳聰陳階所亦用  
之真奇方也霍林上人龍井果上人筠泉上人  
俱以事見沈虎臣與陸氏有田訟乞鄭明府書  
得陳舜芳書爲八月不宜改門相聞此老用情  
如此亦可念也拜趙西梁鄭崑巖鄭以中丞改  
南太常少方之官

初三日晴款臧晉叔朱君采姚叔度于湖中章  
元禮吳允兆爲不夙之客王閻琴在坐旣借叔  
度三歌童問琴亦一再清歌晉叔論詞曲及他  
談謔大有名理可謂勝舉薄暮茅薦卿與侄公



良至過其舟朱大復在坐大復留心神仙之學  
與僕往來足稱針芥相投渠辟穀二年矣神宇  
澄徹大改舊觀真神仙中人也

十二日晴下午大雨雷聲殷殷而不厲是時同  
陳孟文赴姚二華之席于華陽山莊宮室幾動  
不蔽風雨砌石俱崩晚同孟文送江子振母喪  
人入殮行衢道俱成河耳邊挾風濤頗厲亦奇  
事也拜馬君應夢爲門生蘇叔大寄書至  
十六日晴早省臧晉叔偶晤吳用脩知求仲爲

無賴諸生所忌以事中之避居他所如此人豈  
能阻之使不前可笑可恨訪姚叔度夜月甚佳  
十九日晴韓吉甫來具述煩冤之苦所謂山鬼  
伎倆惟當致之不聞不見耳姚平子黃重光來  
俱飯于池軒俞羨長來自白下談對終日寄還  
顧充菴所返奠禮三金云爲羨長家人盜去惟  
時髦文四十二冊在耳

二十二日甲子微陰而雷竟不雨俞羨長午後  
至同見西僧羨長有阿彌陀像一幀配四方佛

形相頗異約另日持示致蘇運長書夜涼

二十四日晴有陣而不雨早新姬至卧前惡語  
相加怒而毆之余最善藏而暴發如此亦以女  
子小人難養不能戒堅冰于履霜耳鉛山費學  
卿書來介紹唐令乞學記修儀十四金賴以買  
油我家歲費油千斤

二十五日晴建蘭僅抽三條花未放盡而爲小  
星誤折亦可恨也費學卿之叔氏北太學生投  
謁盛叔永之子士元來方次卿馬參宇陸玄谷  
同來留敘參宇爲余擇移房等用吉日

二十六日晴中庭茉莉盛開

二十八日晴先雷後雨雨亦不甚但至夜不已  
夜甚涼時寧有過責而逐之新姬待夕

六月初六日晴吳中人致顧益卿報書并海錯  
四種張異度書酒四甕管登之書續問辯錄日  
中用水澆頭一歲一椀乃北京施老所傳去頭  
風耳目諸疾

初八日晴康文初來爲失正科舉乞薦遺才併

快雪堂集 卷之五  
薦朱支中許龍雀兩託少京兆徐溧水李本寧  
太史送驥兒及韓生卷

初九日晴李隆吉不進學欲辭去固留之孫孝  
廉如證來談對小坐

初十日晴嚴周行周申甫同飯卓稚期來別卽  
日當至白下稚期許餉麩三百五十斤度可釀  
三十石

十三日晴陰晚微雨四更雨甚厲微雷款王司  
理于湖中至石屋又訂明日法相之約司理公  
作主是日巳時豎新樓後佛閣

十四日早尚雨晴午後先雷大雨二陣王司理  
公作主爲湖中之會同朱大復大復脩玄有得  
寒暑俱木綿二層能辟穀持論更中正足企尚  
也登陸祠小憩別時又訂十六日山中之約遣  
楊信如故里

二十日始晴夜月甚佳同二新兩姬登東樓看  
月

二十一日晴陶公望太史來已到數日同湯太

史三宿靈隱湯自會稽至四明天台拉勝友而  
返淹洄寂寞辨擊清真顧瞻老子共成三秀後  
時那有此會也句容張榜來得柯立臺待御書  
儀畱敘談武夷之勝使人神往又聞江右堪輿  
黃君之奇爲魏君時應葬父有驗心甚慕之  
二十三日晴王養恬來具道武塘爭田顛末兼  
人情險惡之狀湯嘉賓來小飲齋頭至秉燭不  
休世間名士晤言之樂詢在聲色之上令人靡  
靡不覺已歷六十小榻也張賓王餉萬年松樟  
蘭挂蘭挂蘭以繩挂著簷端或樹格間開花甚  
多樟蘭寄生樟樹者萬年松如瓦松青翠可愛  
置之水中永足供几席之玩賓王索觀所著詩  
經時義必欲余動筆目力爲倦蓋賓王最得意  
贈賓王松江天青布一疋以扇墨苔柯立臺書  
寄詩扇一連日橐中蕭然囊空恐羞澁留得一  
錢看千古一撲矣

二十四日晴張賓王以是日行而俞羨長飯之  
望湖亭大風雨雷電卒至鵝兒亦與客在湖幸

而風引之直抵錢塘門水次得無恙湖舟壞者  
覆者頗有得王房仲書

二十九日晴赴放生會三陳君作首朱大復新  
入會虞長孺談宜城子仙踪頗悉其所憑者爲  
孫龍城二虞李本寧使君俱著其前因長孺前  
身爲蘇祿國王僧孺爲陝右一司理再生爲僧  
曰凌雲今爲僧孺晤本寧當細叩之舟至望湖  
亭大雨卒至余先避張氏樓望羣山煙靄倏忽  
有無大是奇觀是日內人捨雕刻阿彌陀佛像

一軀西僧欲持歸本國者余又雕刻救度佛母  
像一軀俱以是日開光明裝靈聖夜雨屢作

七月初一日晴俞羨長期出梅花嶼款敘經日  
新得小湖船費約卅金而可暫作浮家泛宅亦  
是一快

初二日晴爲靈隱之行舟過岳墳驥兒讀姚莊  
一目之金沙灘登岼至靈隱孫中貴新爲莊嚴  
遂染香山碧山氣最不堪者門前排衙碎石也  
勝上人出迎知二虞已至一至勾漏山房伯霖

快雪堂集 卷之五十八 十五  
繼至又有邵虎菴錢孝廉長人繼至衣冠受齋  
如禪襪何同諸君至殿上爲朱公朗拉去席散  
婆娑飛來洞始覺意興勃勃已逼暮色數酌而  
別遂至頽然過湖中爲驥兒留宿

初四日晴日青略愈薄晚雷涼雨一陣道案出  
驥兒名在一等第七錢塘科舉六十名張名昌  
爲首仁和胡休仲名在二足稱得人矣

初七日晴熱湧金門登舟是日同諸公作邀豫  
叔虞胡元瑞張元春潘景升黃昏席散余同羨  
長宿姚氏樓卽驥兒讀書處也半夜後涼

十三日晴午後風雨甚驟黃昏亦雨請僧誦梁  
皇懺夜設焰口施西師爲政三鼓畢事俞羨長  
隨喜

十四日陰雨終日不開先赴放生會韓求仲作  
主不受分金俱付贖生雲棲上人來新入會者  
湯嘉賓太史應據首席以讓余齒坐余下今日  
可謂羣賢畢集午後三橋過船金太初同出至  
陸祠太初病瘧往姚莊卧移舟西泠橋暫憇初

更而起至陸祠隨喜梵僧施食朱大復虞長孺  
兄弟張孺愿柯孝廉紹臯卓雲從諸君共事驥  
兒侍三更畢事是夜韓求仲亦邀僧放施食放  
河燈余撥船就之燈次第出水際或疎或密有  
如繁星獨羨長所放雖二千餘十僅然其三稍  
敗意耳

十五日晴湖中遊行竟日俞羨長王問琴共之  
有歌者張姬驥兒待遇風雨于湖南夜月佳甚  
迴舟至陸祠遊船甚多歌吹聒耳三鼓餘就寢

張姬先行

十八日晴間陰微雨不裹幘杜門謝客看驥兒  
五作首作佳經亦可

二十二日雨終日驥兒試七篇出題作文于龐  
祠朱武原監試同事者張符九高士瞻高氣藝  
新入孫瀟湘沈虎臣欵二朱公範公朗黃重光  
傅仲執柯紹臯五孝廉于湖中再宿姚園  
二十三日晴間有微雨風連日俱風訪韓求仲  
回舟遇姚叔祥與驥兒同至池齋客甚集頗費

主人粥飴夜星斗皎然  
二十五日晴劉茂成致李本寧報鄭嘉興入棘  
竟無望矣嚴蓋夫項于王沈景倩遺才俱有名  
二十七日竟日雨學使者移大考期于二十九  
日驥兒是日起送科舉郡公送至大門外亦從  
來未有事也韓求仲來留飯徐周行屠公子仲  
蕉遺才俱有名自二十四夜至今俱涼此夜夾  
被二牀猶非人不溫也  
二十九日晴是日白露宜晴

八月初一日晴早出姚園看驥兒及諸友作文  
晤韓求仲小湖船煥然一新計日可畢功矣

初二日晴看驥兒文僅成六首喜其勻稱蓋夫  
首作尤佳符九庸孟書經妙絕移榼定香橋飲  
求仲同金太初拜劉茂成關使初四日交代行  
矣

初三日陰晴間有雨奎孫忽病驚悸婦女憂惶  
夜祈神佑巫歌聒耳

初四日早雨陰俞羨長約諸公結社西湖各持



分金一錢五分赴之錢塘門登舟徐茂吳臧晉  
叔吳元瑞虞長孺及孝廉布衣在坐者十五人  
薄暮停舟段橋吳元瑞風痰忽發不知人久之  
初六日晴熱看迎考官于沈伯臯對門小樓姚  
叔度至兩童子歌歌未終考官已過守候甚疲  
幾窮日力

初八日晴驥兒移小下處于貢院前許揮使宅  
下午往視驥兒候嫗亦在其後門小樓對天開  
文運棹楔微偏東北與明遠樓相值延鑿視奎  
孫已見疹矣

初九日晴暖杭州五更始點入按院又收諸生  
四十餘名入場俱浙東人士薄暮聞四書三題  
又聞毛詩三題書題俱平正孟題頗新驥兒五  
鼓出場迎者至家天將明矣

初十日晴午後看驥兒先寫出學論二義亦能  
敷衍可望百一

十一日陰間雨二更淋漓占滴雨勢甚熾入試  
諸生可念也

十二日陰雨驥兒進二場日晡而出

十四日挈三姬人遊湖陰微雨見月夜雨沾滴  
十五日雨沈伯宏行傍晚出宿湖舟挈金太初  
王問琴姚叔祥及四歌童是夜竟無月然興致  
頗豪四歌姬初試湖中亦稱寥亮驥兒試三場  
十六日雨是日胡太寧作主驥鵠二兒俱在姚  
叔度爲不速之客有宋張二姬然反喧雜不如  
昨夕之清曠也姚叔祥歸城中驥兒宿舟中俞  
羨長夜至是日家中豎新樓後內房三間

十九日早陰午後晴夜復雨范東生來留敘韓  
求仲同朱彥吉張具之來餉珊瑚樹一枝爲余  
壽美人之貽

二十二日雨竟日親友祝壽至者留敘新廳賓  
主凡十四人是日丑時應吉移新房鋪東房地  
平夜雨達旦

二十四日陰微雨有晴意飯而歸新堤散步遇  
徐道涇王養恬求仲舟中遇相士吳望山相余  
頗許後福及驥兒科名

快雪堂集 卷之五十八  
二十五日晴馬南軒看新姬疾須琥珀和劑八錢索三兩直頗難之

二十六日晴夜微雨款科舉諸門生及年家來者十五人驥兒侍

二十七日晴夜雨是日款科舉諸生于湖中韓求仲吳用脩等共十人驥兒侍相對俱有淒然之色明日揭曉矣

二十八日漸晴揭曉解元爲葛生寅亮門生項于王而下共五人昨湖中同舟者孫光裕與于王二人而已論文則張生奇齡臧生爾煥真可惜也

三十日晴俞羨長期入靈峰晤曹尊生因命邀張孝廉羽翔孫孝廉如證爲明日之晤書奴誤聽卽召此日方至山而兩孝廉嗣至余方咲將錯就錯賓主盡歡而出湖中省韓求仲晤二虞九月初一日晴見南小錄雲間張生以誠中八名差足喜也湖中送韓求仲行色甚淒然

初二日晴葛生寅亮項生利賓孫生光裕馮生

快雪堂集 卷之五十八  
玄鑑鍾生世芳俱來謁皆門士也亦爲此榜中  
白眉夜微雨徐茂吳來啜甘茗數壺而別

初四日晴作關漢壽贊趙左伯乞之也沈超宗  
俞唐卿返自白下而出賦中省韓水申部二真

初五日晴作于中甫尊人見素公傳

初七日晴偕俞羨長往范村晤曹尊生飯後詣  
雲棲途且半尊生已出遂邀至小樓盤桓逾時  
而別

初八日晴午前有微雨早往仁字塢無所得然

澄高所見自多望五雲西木星如鳳羨長以爲  
人形其左一枝甚嫩同羨長物色之卽舒老所  
指者但外朝不整喜有內案羨長以成玉女捧  
印地留虎跑余獨歸至家尚及送沈超宗小姑  
娘歸故里薄暮微雨

十一日晴公衡來問起居至家失長子添一子  
今尚三子宗伯師失子卿以來心事大損留公  
衡西廳小敘繆仲淳陪之飲甚適是日移新房  
卧起酉時改大門正中

十六日晴粥後同仲淳登獨山見南面似有結  
山右過小峽斷而復起者再其山背在外面東  
南向寺正在前寺曰普濟其老僧相迎至寺登  
山體察未真以倦下山飯于寺中飯畢同仲淳  
再登山局勢儘佳但僧居在下稍礙堂勢耳仲  
淳乘肩輿再審獨山余待之寺中良久仲淳至  
云得之矣甚佳龍自黃鶴正出斷十里而起大  
頂遂落穴穴情甚真南向超山在後收水右起  
小山作白虎收本身水疑臯亭跳向塘棲之物

福緣在此未可知也老僧欲相留以驥兒唐卿  
已先到大船遂移具相送意甚慊至晚乘月至  
德清宿東關外

十八日陰雨薄暮陰不能登山飯于蔡宅賓主  
無一言甚苦舟至城山夜酌羨長倚酒發言以  
余惑于仲淳也一笑同驥兒唐卿啜茶甚快余  
論湯候及先氣後味之說廖廖誰解之者

二十一日晴粥後看菁山范氏祖墳遂盡探局  
內諸山行十里至三山塢出塢小憩澗邊石上

羨長望見山形頗奇獨探之其地收外局乃飛  
天蜈蚣形雲雷案面東到船而飯幸忘飢劬日  
西發舟行十餘里羨長見禾桿山秀麗仍駕一  
舟往看須明日自往決之

二十二日晴早過小舟看禾桿當是中落爲佳  
但稍頭反粗須剪棄耳午後至吳興又過小舟  
看仁皇正結在汪氏右又過小峽太陰金星落  
穴前對貴人星堂局盡收七八年之疑一朝決  
破矣舟回將至西門韓求仲出迎邀至青棠莊  
居張具之已到談敘至二更歸舟泊猫兒橋距  
莊居一里求仲送至舟中

二十三日晴早有雲氣天明過小舟出接山橋  
注觀仁王結作的確無疑過此望蒼山如屏中  
有真結羨長以爲在仁王上舟至天寧塔村卽  
圓證路也呼肩輿至蒼山審其穴情果明白可  
愛前對雙峰仁王如雙旌起于龍首不意一方  
有二大物同至圓證適守菴老人回得同一敘  
守菴談新昌石佛之緣佛身跏趺長七丈上有

石巖蓋覆自齊梁間有之今欲蓋石殿如橋湊於巖外以蔽風雨計直當費千五百金真勝緣也本寺又欲新殿殿材已集定址當稍西而前韓求仲設席相款朱君采陪更餘呼侑席者至二更餘始散就寢月高矣

二十四日早大霧漸開晴暖五更解維粥後易舟至烏陵山同羨長細審穴情卽左出一隴面西向小金星者爲真向來真如醉夢矣晚到長興進西門泊舟姚氏水次茗雪叔度平子及伯道兩兒出城相迎而左良久到見談敘良久登岍是日兩度噉蟹甚快弁山龍一支逆上下砂數層直至蠡山而轉余卧起舟又行十里卽上砂俱轉矣其中當有奇

二十五日晴早起弔姚伯道之喪諸姚皆來迎飯于伯道臨雲閣乙未春同周叔宗過此今叔宗遠遊主人化爲異物可嘆也

二十六日早未起姚叔度至舟勉留之不得已許畫溪同泛是日早霧遂晴舟入溪中登岍眺

萬玉菴僧來迎顧肖溪後至過其祖箬溪尚書  
祠堂歷清涼寺松雲菴萬玉菴諸姚兄弟父子  
俱來陪主客頗多乃分陪二舟先叔度作主茗  
霽繼之薄暮解維俱送至呂山而別

二十七日早微霧晴早達丁氏新卜長孺昨夕  
歸矣歸途憇吳山寺禮端獅子塔薄暮舟泊西  
門與羨長驥兒啜茶頗適

二十八日早霧晴俞羨長過船遣其船載西師  
余起韓求仲來同噉蟹至夾山漾朱君采遣人  
相邀余同羨長看道場正落其地巒頭端聳龍  
虎灣踞前對弁山水帳真佳城也又深入十里  
而還至峴山登空明閣又登文昌閣是日始與  
羨長別舟將有長興之行從求仲李用甫士觀  
驥兒赴朱君采之約君采所居爲宋鄭清之故  
宅山川如畫意甚樂之席散求仲送至舟中舟  
泊慈感寺前啜茶數壺而別

十月初一日晴微寒撰錢季梁墓志銘正陽邀  
過飯日中而行同驥兒西門祖塋祗謁西僧暫



快雪堂 卷之五十八  
留三塔黃昏歸舟

初二日晴日中到武塘同驥兒到錢宅致奠湛如相見甚驩略敘在邑及往來途中艱苦在官禮儀酬應之煩所生兒已七歲今年出痘見其跳地作虎子狀喜可知已訪錢中所在其弟成所及新孝廉皆不在訪葉章含明農北郭莊居見其新入泮兒還湛如齋中章含來同敘至一更送余步從東門入舟約驥兒更留一日而余早發

初四日晴早弔奠黃葵暘少詹豫章習生以淳來謁得鄒爾瞻書桐鄉高尉又致鄒爾瞻書一日得二書俱爲趣太夫人墓誌也沈大伯景倩見訪遂與同載驥兒亦至過船同往長溪薄暮到宿超宗書樓小姑分娩尚緩豹孫有口疳略瘦又乳母病瘧無乳情況不佳

初七日晴早至虎丘舟泊後山門花園處方操筆作祭王方老文沈伯宏至打斷久之張異度管席之至小憇輪關主善才菴留齋噉餅甚快

快雪堂集 卷之五十八 二十七  
異度席之又留酌石場弦月初上笙歌鼎沸久之清寧又遇舊善歌者號斷根王二文衡山之甥王酉室之侄與先君及婦翁相善有名少年場今七十矣同坐又有吃飯王二亦偶然云住虎丘更盡張管別去將卧范東生俞羨長忽至出自意外羨長在茗溪爲余成蒼山地先數夕前余夢抱一猴子驥兒又夢人授之一地人形名雙環戲玦或其驗也東生携一妓佐觴曰林玉盤桓至夜半舟泊前山門

初八日陰雨西北風大作舟不能行泊圓明菴小港余同羨長看劉家墳其墓爲白玉蟾所點遍地俱墩泡如落地梅花自虎丘來一丘稍大中有陽處其碑一仆一起守墳人指此是也

初九日晴行過滸墅關關使游君名廷栢來謁號九臺福清人林君尚吳之親素熟余名者夜至新安鎮泊舟距惠山三十里是日校過後漢紀一冊夜月甚佳

初十日霜重如雪又大霧月初至旬末俱有霧

早行二十里平旦至南門易輕舟汲泉惠山復  
過大舟沿途觀惠山所止與皋亭獨山相似而  
特大其山遠望似太陽金山而西北向是日校  
完袁宏漢紀光武明章三紀夜乘月至常州白  
家橋更深雲氣淨月甚佳是日舟行百餘里  
十一日晴午後遇裕峰上人自京師還得達觀  
師書知雙徑淨慈吳之虎丘俱以孫司禮疏請  
俱蒙賜藏真法門大快事也

十二日晴到金壇于中南潤甫出迎遂至梵川  
盤桓竟日歸舟夜月大佳

十四日晴中南兄弟送至十里外早晤賀知忍  
王宇泰太史追晤舟中王伯臯兄弟繼至是日  
又晤江右堪輿張養默知忍先別乘月夜行未  
至蔣墅二十里而宿

十五日微霜晴和早至知忍齋中王六息姜生  
志謨俱以文請批示過詣知忍新闢園居再敘  
齋中昏黑登舟知忍遣佃戶拽船未夜半至毘  
陵月甚佳

快雪堂集 卷之五十一 二十九  
十六日西北風揚帆甚快下午過無錫遣輕舟  
汲水乘月至望亭而泊是日行百六十里以目  
青三點藥遂差  
十七日泊虎丘後三門徘徊鐵佛菴久之俞羨  
長至業遊洞庭兩山昨暮宿趙凡夫山房見湖  
州小船追隨于此見詫別後山水之勝久之出  
門同步至千頃雲徙倚看落日邂逅楊石閣太  
史馮元敏二公鐵佛主人設浴浴既登石塲月  
甚佳還舟又啜茶夜分乃別

十八日晴入城訪西師疾寓師子林疾爲傷寒  
九日變瘧檢其囊篋寫單二余收一其一付管  
習之并二十七金俱留習之許程光祿公衡作  
主演戲初更別玄明菴又同習之東生輩小坐  
十九日晴大兒往陸墓徐莊暫別管席之俞羨  
長來午後楊公閣太史見顧舟中晚間張異度  
移酒至舟中同敘賓主八人更初登山待月良  
久月起是夜有寒氣山上頗清寂客俱不禁馮  
三峰一曲而別范東生餉蟹六大螯未烹

二十四日晴南風頗大赴馮元敏之席在舟中  
管登之陪至觀音山過趙凡夫山房觀瀑布甚  
奇晤孫少宰二子與林生俱美才善詩又晤震  
溟上人善梵書昔年曹林師兄曾挈之見訪武  
林日暮回舟至上新橋而別

二十五日晴西北風頗大晚和早移舟泊玄明  
菴港張生振德自崑山謁謝午後徐升玄治具  
舟中見款有三侑觴者驩情大暢飲酒無筭二  
吏別主人舟維前山門方次卿在舟啜茶五六

壺夜半就寢付次卿二金爲物色歌婢之費

二十六日晴西北風如昨天明解維一二里校  
漢紀桓紀一卷又完靈紀午至澣墅出關泊舟  
同唐卿散步小憩關廟從輕舟歸大舟是日寂  
爲閑適

二十七日夜半解維日出至無錫而起入城弔  
李雨亭年兄名應祥仕終陝西學憲侯龔毅所  
方伯年六十五矣兩子少者能文而歿長者四  
十五從來不生育老而無孫顧能排遣築書院

於南關外南禪寺側延僧檢藏吾鄉真如僧真  
謚與焉約余午後相款于此訪顧漢凌棄其居  
而移居園中數椽書室亦可坐先畜三歌童余  
往屢聞其歌今俱散去訪孫少宰萬中丞中丞  
見顧遇之途過余小舟寒溫而別薄暮赴龔方  
伯南城之席謚師陪孫少宰顧余至小舟不登  
岸更餘歸舟本權上人自吳中追至啜茶數壺  
別去

三十日晴微寒早晤管登之送之二三里歸舟  
知仞知幾與羣從相邀遂登岸飭于知仞齋中  
本權昨留無錫相追至此賀氏諸昆未別施是  
日俱登名冊中遂登舟小憇爲本權書扇是夜  
知幾設席更餘歸舟遂爲行計臨臥作數字達  
知仞是日爲老妻生日不及一壽之以爲悵然  
十一月初一日晴寒小港冰逆風舟頗艱行二  
十里遇管登之已竣事而還留問辨錄晚至金  
壇泊舟南城王獻齋尺牘又自皋中呈之酒于  
初四日早陰晴連日溫和主人召題主而瞿元

快雪堂集 卷之五十八  
立祠土至午始畢事歸舟先赴陸祚先之酌于  
梵川薄暮赴王損菴兄弟及伯皋仲皋之酌于  
王氏園  
初六日晴日西到蔣墅遺書聞知初知初與廼  
郎二房照侄來舟持榼相款送至五里外近昏  
而別夜啜茶甚佳

初七日霜晴自毘陵開船午後俞唐卿先行汲  
惠泉乘月過無錫北關與李本寧使君舟相值  
以從他舟赴席不得一晤爲悵舟過南關唐卿  
汲泉至舟泊新橋

初八日霜晴乘順風日午至滸墅過虎丘禪房  
登毘盧閣隨喜新賜大藏啓首函恭讀 皇上  
御製續刻藏經三十八函序連勅諭共四篇善  
才菴晚酌浴是日大郎已歸家中俱平安舟泊  
虎丘二山門

初九日霜晴寒鐵佛菴隨喜空谷樓址下午同  
方次卿步往竹亭舟中索酒肴小憩甚樂醉後  
步千人石邂逅荆生懋賢王辰玉婁子柔立談

長久歸舟三君前後俱來顧客去月已高矣舟泊半塘寺前

初十日微霜晴早移舟半塘寺後一時客紛至舟中幾欲如市赴吳文仲約見其子無競及其長孫賓主四人敘至更餘而別先是閶門遇沈景倩及超宗壻舟又遇曹周翰舟夜就山塘潭子覓之惟超宗在耳候于余舟數酌後啜茶別去已三更矣

十二日霜晴是日徐仲容作主與升玄管席之共載而來歡敘至夜分泊舟上新橋麥場卧中頗覺喧雜

十四日早昏日中而開朗易舟至南洞子門覓小輿入城至師林寺看西師病新愈但體軟見余至喜不可言余告以賀知仞向往之意俟本權至同行渠甚喜徐仲容管席之欲邀余出齊門以王房仲遣急足邀余至葑門一晤從之遂泊徐園久之房仲至則其親凌生玄泰有所請也過房仲小刀至齊門席之同鐵生仲容王元



快雪堂集 卷之五十八  
三十四  
猛俟余元猛爲癸未進士王有功之子二更別去席之臨別囑朱汝虞聯姻意甚懇至不從富而從貧足尚也

十五日霜晴粥後解維過尹山日晡至吳江拜長庚親家慰其落羽茶後訪周子价訪沈少卿相見細談不忍釋手晚飯長庚齋中歸舟雞鳴而寢月甚佳

十六日晴暖夜月初佳二更帶雲氣有暈弔沈祖均撫其二孤訪周季華其子永年文頗佳周氏白眉矣過吳抑之齋頭出舊銅器十餘事相示是日冬至

十七日晴微陰東南風甚大舟行甚艱僅至八柵試水火爐湯熱甚快日暮遇陸少白出山過余舟略悉別後五年事云黃州鄉士范司理宗鎮年七十惟一子八歲名佛兒爲其惡弟所匿欲有其家產少白受牒理之執其子某必欲得佛兒佛兒竟出失已半歲矣宗鎮德之出其家所藏天文奇遁外丹諸秘書授少白以此相報

也又以計擒大盜廖跛子殺之而後行語多奇  
偉不覺坐深餉予鄱陽學聖像是吳道子所畫  
元末紅巾起馬至一處不行策之不動疑有異  
寶掘之穹碑立土中徙置一屋衆羅拜而行從  
此道宮佛宇俱設宣尼像以避兵火饒州府學  
昔爲天寧寺國初陶學士知府事以原有先聖  
十哲像遂改爲學僧奏奪不得遂爲學至今少  
白辭諸廣文驢欲得聖像廣文不欲開端又假  
巡道刀一時摩數百紙少白得七十紙以歸亦  
奇事也

十八日霧晴暖月甚佳到長溪沈壻小姑娘豹  
孫新生小女兒俱平安景倩五湖未歸

二十日晴暖有雲氣早起便爲親知所粥飯  
俱不得方便覓不托噉之致朱汝虞奠儀晤懋  
正公子爲管席之親事通言日中爲懋正決風  
水之疑其地在西麻塘涇往返十五六里晤樂  
石帆黃中翰皇石同載而還

二十四日晴帶陰寒訪馬心易晤朱懋正公子

陳太常三謨以索逋至初汝虞貸陳四十金陳  
高貲甲武林又汝虞座主不悼賢恤孤而索負  
湖山之美乃育此人甚爲羞之訪樂之律黃皇  
石談敘甚久又晤黃又玄大叅訪金明秋潭上  
人晤韓少松居士作大饒益于三塔輪藏者  
二十五日霜晴卜生宗文來見之園中入城訪  
沈純甫司馬留敘竟日邀黃皇石樂石帆薄暮  
始至上燭半樹而別

十二月初二日霜晴寒久別家室與吳姬甚昵  
覓慧劍不得柰何

初六日五更雨陰雨竟日周畿兆吉來款之池  
齋夜杜荃湄商金太初家屬頗詳善奎孫發熱  
數日連日迎醫視之恐其出痘周申甫以此日  
登舟贖之夜雨

初七日陰雨竟日陳孟文來是日爲岳母生日  
合家幼穉女口同往

初八日晴拜徐茂吳答周元孚去歲書移玉玲  
瓏于南榮下

十一日晴候新按君馬公從聘北直隸人其人甚明爽

十二日雪至夜而止拜劉筆山大叅午後同諸姬自卧樓賞雪

十四日雪霽奎孫出痘迎醫賽神惶惶竟日

十六日晴朱彥吉胡仲修諸君同飯于池齋

二十五日暖晴喜奎孫出痘將愈今日爲十二

朝酬神謝醫設席作戲夜起風

二十六日寒晴早候撫臺謝禮送節儀節儀不

受旬日來索逋者甚煩窘無以應苦不可言

三十日晴供先人神像于新廳高曾祖三世神

俱數年不供幘子俱黻堆須新正裝潢耳歲內

積逋不能清理工匠等嘖有煩言但可含忍耳

夜燒松棚于舊廳前須臾而盡云此事亦關吉

凶家宴于新廳

快雪堂集卷之五十八

快雪堂日記卷之五十九

秀水馮夢禎開之著

壬寅

正月初八早積雪皎然似厚於初六日雨霰相  
雜午後但雨飯後至郡城四房寫完祭軸黃宅  
致奠晚舟泊拙園王問琴至沈超宗亦至吳聞  
中痘今四朝矣症如辟邪但花甚多恐小舟重  
載凶吉之間柰何

初九雨竟日早送黃氏喪墳在隆興橋內大房

墳相鄰事畢晤董玄宰與顧海陽同舟頗有浩  
蕩之言信是俊物昨暮朱汝虞出殯不及備柩  
前四拜而已懋正公子遷母棺不在晤其孫再  
至四房寫完祭鹿門先生軸遂行晤東山顧君  
爲乞書追隨于此留飯付書過學繡而別乘順  
風頃刻到皂林已夜矣

十一大雪自昨夕竟日乍密乍稀由函山取道  
出五杭晚乃得達西北風順少逆多頗有凄冷  
之嘆舟泊處距塘棲十八里俞唐卿病三日矣

臥別舟中

二十四鎔雪點滴不已尚無晴色戴升之來  
二十七晴湖中欸吳因之見空語透真接鐵山  
手沈超宗至再酌於新廳問琴歌許六吹管可  
稱二妙已命諸姬共歌許復合管二更而臥  
二十九晴赴放生會楊蘇門主會虞長孺以醫  
至來而復歸

二月初六微陰稍寒午後周申甫來留談至暮  
收拾水經校於去年正月吳洪生乃復者致傅

伯俊書乃初到蜀中所發也

初八晴早霧又得傅伯俊書王開府象乾書俱托印楞嚴新刻藏經校補水經完

初九陰寒微雨夜大雪答傅伯俊書是日  
初十早起見積雪在屋寒氣侵人微雨而  
十二晴和梅花始發傅別駕來報謁薄晚以王  
問琴將有白下之行治具招柴仲美吳太寧一  
叙諸姬奏二曲收拾鬱金堂內人將以明日移  
居新廳東爲卯地今年敗氣所在宜一避之

十五晴赴放生會是日余直會赴者二十餘人  
午後歸發陳海樓書謝嘉善書月甚佳恨不挈  
諸歌婢宿湖中耳

十七晴微陰將以明日下湖了梅花新盟治裝  
俱畢夜且半臥未熟忽聞岳母痰暈甚急方起  
披衣遂聞大故同內子奔往已不及訣傷哉  
二十四晴暖至不可綿早出訪王房仲房仲同  
內人寓止桂舟甚適與余憇坐尼菴中遂乘小  
舟絕湖赤山埠登岸過大通寺隨喜宋學士前

身血書華嚴經元前至正半塘聖壽寺僧善繼  
所書書法似趙魏國端楷不苟八十卷如一當  
時名僧題跋俱有規語恐其著相而不知宋太  
夫人生學士時先夢有僧自通永明延壽手持  
一經謂太夫人借汝一室以完此經學士到半  
塘寺恍惚前事得經于天花板上則知先生宿  
因廣大良不可測矣此經寺僧質于汪司馬余  
輩唱願俾曇旭以五十金贖之以永鎮山門不  
可再辱曇旭留齋主僧曰大智偶出訪吳伯霖  
坐久之王房仲至病發良發至暮而別至家內  
人病可超宗壻同芳女至

閏二月初六雨明日出外母喪陪親賓上紙者  
事頗龐雜聞 皇上示豫罷礦稅起言官被斥  
者驩聲雷動而復有 後旨停礦稅俟三殿成  
事不無可疑耳

初九大晴迎章紹陽看孤山地章擬陸祠東水  
頸穴細審竟結巨門土星下再往下沙審之星  
體端嚴正結無疑沈阿太攢室作亭



初十陰午後微雨冰雹同章紹陽六山先看龍  
井外演福地辛龍卯向正應左旗右鼓地鈴至  
龍井飯于德周山居周申甫以昨約如期至同  
至翁家山而別余從十八澗出徐村一路李花  
盛開如雪范村上冢紹陽審得與蔡氏地不結  
其山已過于癸峽土星如五尺形上聚結穴丙  
向前有玉尺相應露出江水一點真佳城也余  
云范村尚有正結當以明日觀之夜宿小樓

十二晴間微陰早入木塢看土角出金地上費  
氏葬下洪氏葬穴當在洪墓之右但局順非速  
發地土星正落陽脉平行竟起安樂山逆結一  
地卽寶馬金鞍轡之鈴也卯龍丁向迎黃山大  
峽之水前朝木星一峰甚爲端特龍虎重重峩  
眉現巽方下沙甚緊結穴亦高向噓安樂無用  
不知其結作之巧如此飯後一到福清菴遂至  
石人塢得冲霄鳳與展旗星二穴相向一辛一  
乙又有飛鳳形在冲霄鳳虎沙之外亦佳福清  
僧迎至山居出餅爲供最爲幽深歸途慙報先

快雪堂集 卷之五十九 五  
印泉房并晤真相歸家尚未暮

十三晴潘龍峰薦王建溪得廖氏真訣者來留  
飯王云卽日欲行遂挽之看虎跑地渠云舊葬  
甚非三年當發禍地挨右尚可裁而不吐其穴  
四月太陽到西便可用事與之定約而去舊穴  
當以清明日起之

十六早尚雨內人天竺還願余赴放生會屠緯  
真朱大復沈士安與焉虞長孺三月十六日爲  
五十初度之辰同社者繪西湖放生圖壽之餘  
分贖生以寓稱祝盡日而歸隄上桃花今歲似  
少衰舟泊隄邊有晉人善吞刀等伎者他客俱  
樂觀余不屑也入城拜緯真于三聖橋丘氏寓  
又晤沈士安

十八雨是日作回蜀中王制臺傅伯俊二書  
十九雨下湖以歌姬行邀胡仲修許然明陪屠  
長卿長卿是日請仙于湖南之庫房余同胡許  
往訪之留齋晤虞長孺兄弟長卿以守壇不登  
舟余同胡許歡叙頗快

二十四竟日雨請姚叔度許然明陪方次卿適  
至與唐卿沈壻二郎俱陪奏屏後歌夜仍丙  
二十九晴行至皂林而起日中到故里展拜西  
城先隴到四房省弟媳合家鵬雛侄延師葉生  
以文贄稱弟子其文甚佳訪姚叔祥同訪沈司  
馬以母夫人病詣西城宅遣人相聞待之叔祥  
齋中良久司馬公至邀回談叙至黃昏辭往楞  
嚴宿焉唐卿超宗已至久矣霍林上人在彼相  
迎

三月初二行未至塘棲而曉日西底關索兜輿  
而歸家人俱不度余之歸速也是日沈倩生日  
舟中臥板上楞嚴僧榻復非藤簟頗覺骨疼轉  
動不便衰相現矣晚晴

初四晴早送江宅殯事完別諸公到舟先是金  
省老張黃老憇余舟出茶頗有白水之評余笑  
而已拜朱大復王仲高于燕先周申甫先至舟  
中余復挽仲高同叙仲高與余談五星頗細四  
明趙大寇來一茶而去明當答之

十一晴吳伯霖招遊十八澗飯於佛石精舍歸  
途過烟霞寺久廢賴孫中貴力金碧煥然余不  
過烟霞十餘年矣是日沈倩超宗移居外氏房  
月甚佳黃茶散合試出茶飲百水之清余笑  
二十一大晴朱懋正如期至一飯而別日中茅  
孝若來留飯以湖州郡志欲與執事見托超宗  
召客假館新廳客二十輩戲半諸姬奏二曲柴  
仲美請之也

二十八晴同超宗仲修送公亮於江干之吳園  
公亮盡醉酒竭而別

四月初一晴熱前月十六日立夏欸顧友玉名  
祖漢字漢凌薦鄉人陳夢萱者善歌得傳于魏  
良輔潘少荆亦其徒也從鄒愚谷在此

初二晴熱如夏至後早送右伯范公折席一物  
不收拜願漢凌晤陳夢萱拜黃端甫是日欸端  
甫邀陳孟文作主不赴明日邀余陪端甫余亦  
作主不能赴也一席之緣不偶如此

初三晴熱如昨程彥明陪陳夢萱來留啜新蚡

唱奏春闈催赴之一諸姬亦奏曲于內午後款  
史范二方伯荅徐文江年兄書

初六陰涼如深秋間雨款張君一申甫超宗兩  
兒陪夜晴

初八晴涼赴放生會于湖中吳伯霖作主嶺南  
張中翰孟奇赴會虞長孺尚未到

十二晴小熱張孟奇來惠詩刻又云杭嚴何公  
刻詩集索余作序倪相士來吳伯霖邀張君一  
於湖中余與周申甫陪小憇梅花嶼之松亭甚

適日色相逼始行薄晚又露坐新堤月色微昏  
夜歸而家中如火宅矣

二十三早晴辰後雨作吳親家以夜半行留書  
相謝余晨起無事同伯宏步新堤甚快待輿人  
於舟中汪巨源同司馬孫某以訪伯宏至姚賞  
延爲余覆范村地渠總不取五雲而取富陽道  
上廟山鷄籠之間玉屏出脉王氏地以爲浙中  
最美之地惜其下爲王氏祖塋不可得耳巳刻  
入城家人始食粥

二十四雨黃重光之父鳴岐翁來留飯翁負俠  
氣好結客今六十餘雙目俱病待扶而行  
二十六晴張中翰孟奇招飲西湖同謝友可大  
行章元禮吏部徐茂吳年兄絕湖避暑西泠橋  
之東絕無日色過烟水磯已屬之鹽商改葉直  
指祠不勝感慨晚晤屠緯真于昭慶僧舍

五月初四晴面史左伯金卓然自燕歸卽午川  
達觀老人爲改今字并得老人書一紙晚飲金  
卓然卓然爲談京邸晤厲馬豆學問梗槩自是

小乘外道惜士大夫多有中之者

初九晴岳昌化方來失迎山中信至陳云洲已  
看破七十二賢山正結庚兌龍轉巽到嶺坤山  
艮向向山皋亭夜疎雨入更而止夜半北鄰逐  
盜金柝之聲振動天地婦女憂皇更許而息  
十五晴二更大雨如注所在作漏得李本寧書  
侯媪來內人以白繆仲淳治疾有言仲修授鉛  
上栽砂方如試之有驗亦勝用人間作業錢也  
二十四晴熱夜稍涼對完舊唐書闕數凡闕二

十餘號

六月十一晴熱建蘭一缸以澆荳汁而引蛆蛆  
遂盛入根葉多痿遂別種過不知可保不李松  
山亦鐵佛菴僧真元自京師歸來謁致達老介  
山二書達老以肥皂二丸見遺有偈曰云云下  
午驟雨如注雷夜涼如秋亢孫生日

十五晴熱先居士忌設祭

十八晴稍涼下午起大陣雨極微甚涼李松山  
來三姬店發以夜頭疼稍緩遂不聞呻呌之聲

二十二晴善陽宅黃近洲以吳之矩來謁延談  
竟日館之于家其所業正應氣口返爲初之說  
爰從下起而作用全重都天此生平所未聞者  
羨長云其作用甚驗

二十六晴熱稍減龍井德周同九州寺僧某相  
待于前廳九州僧其院爲人所慕奪乞余直之  
余谷以待時節因緣耳却受其蓮子茨薺四榼  
無以酬其意奈何羨長以待史方伯至方伯竟  
虛諾飯而去早黃近洲往西溪俞唐卿陪行薄

暮歸盛稱梅園之佳王氏平岡次之七十二賢  
之盡不及也其立穴處與陳雲洲不同而近之  
又云安樂方丈可爲陽基坤艮向大旺猶意外  
之喜夜初更雨至明  
二十七四更呼童煎藥飲三姬用人參六錢瘧  
果止史左伯來爲拜俞羨長竟以城外不及迎  
一見之緣造物亦持之耳日間雨沾滴不止夜  
雨更大憂國願年豐不覺色喜徹夜雨涼甚  
二十八竟日雨已午間稍微徹夜雨三姬疴躡  
止而體倦甚心腹悶脹不舒不思飲食急須藥  
餌扶救耳俞羨長來旣飯啜茶數壺而去朱彥  
吉來餉搽頭油二瓶薦福瓜二十個柰已倒穰  
損味耳

七月初四晴和拜邵太史赴周申甫之召夜有  
微雨花木沾濡夜中有微雨  
初十晴熱米子華來舊名文今更雲卿改字君  
夢勢入杜荃湄來俱留與黃近洲朱髯公金卓  
然同叙戴之在坐方與君夢談西溪進十里有



快雪堂集 卷之五十九  
山四塞可以避世者爲李曙巖顧禮初業以資  
杜君者而杜適至或此地可用當易新主人亦  
一機也

十一晴赴放生會蓮老作主杜荃湄黃近洲西  
溪龍門山看地夜風雨二陣

十三雨馮寧楊信等已俱回馬公子時良兄弟  
到寓於大佛寺孤山宋莊禮佛陪齋大佛早看  
馬時良兄弟毘陵張生某望北山地無不真矣  
黃近洲返自山中云所謂蠻王殿者幽僻宜避

兵師姑坪約三十畝平曠可作陽基而五朝山  
前去龍當北向結地地甚大西溪九砂盡處一  
畝桑園亦佳陰地也雨竟夕

十五陰晴間微雨內人赴孤山道場湖中從王  
月峰覆孤山相對丙向地月峰審係乾脉不可  
用乃於下手瑪瑙寺之左得亥氣二三十丈一  
地亦可驟發一二世孤山地係蛇形止結腰中  
細處一地伯闇葬父得之頭上則柴氏葬之矣  
又望西山南山有丁亥庚酉辛氣當結四五地

侯晴尋之道場禮佛遂歸是夜有月微雜雲氣  
十六陰晴王月峰范村虎跑看地是日欵周生  
經世字知用支生寧瑕錢生康侯張生具之陸  
生汝聯朱生兼之如高山麗川映奪心目談敘  
靡靡清芬迺奏王月峰看范村正結內又有葉  
徽州地亦亥氣可用虎跑不結其最秀木星結  
丁氣巽乾向最悠長合鈴月峰猶未明示夜雨  
達明方次卿來

十七陰晴午後大雨如注雷晚晴是日驥鶴二  
子欵馬時良兄弟於湖中早月峰入山看地裹  
四日糧而行馮寧從是日書發十數函頗覺雜  
沓

十九晴欵姚生宗宸沈壻超宗驥兒陪王月峰  
自西溪看地還自五朝山至西溪石人塢得地  
凡十五二在安樂山爲已業其最妙七十二賢  
山騎龍穴也

二十一晴熱同王月峰黃近洲鄒三官渡湖至  
毛家埠登陸將至吳伯霖來遂同至龍井途中

快雪堂集 卷之五十九 十四  
覆周申甫新買演福面前地月峰以爲不佳既  
至龍井德周自靜室相迎飯後由翁家山至烟  
霞滿覺隴看桂伯霖拉月峰近洲過楊梅嶺看  
丙龍地余獨坐久之鶴兒至僧致胡餅余憇石  
屋久之登舟于定香橋久之王黃鄒三君至伯  
霖途中別去三人詫余地之美山凡八節龜形  
左肩窩穴卯轉巽轉丙午丁入穴師象把水口  
大地也不知伯霖有此福不奴子自閩回得陳

肅翁書

二十二晴他方有雨同壬月峰黃近洲西溪五  
朝山覆地七十二賢騎龍月峰以爲悠久發福  
惟五朝所結龍口穴甚佳餘卽佳而未免偏頗  
孫道士業丙龍巳山亥一穴月峰亦得意宿永  
興

二十三晴覆石人塢鳳形卯龍又冲宵鳳落平  
卯龍俱可用看龍居塢傅氏葬最佳其次外家  
地庚酉氣轉丁龍午山子兼丙午亦可用外氏  
不必尋地覆方井丙龍巳亥向地垣局厚密當

與龍口穴伯仲得此二物吾事濟矣是日擾龍  
居蔣老佛慧桂庭出山拜徐理問途中其使見  
止而返

二十六雨如注者自辰至未未後始衰夜住點  
沈倩欵盛叔永李玄白于新廳方次卿吳老黃  
近洲王月峰俞唐卿俱在列作戲

三十晴章氏三公子昭明然明敬明吳德符小  
叙吳伯霖稱不宿之客下午諸親戚爲鵝兒病  
時十保扶今日償願演戲點蔡中郎夜半而散

八月初五雨角孫生日

初六早尚雨親送史岳伯中秋節禮不面面拜  
曹能始午後邀曹能始屠長卿吳德符小叙聽  
曲能始先作隔舫聞歌詩書扇相送并見贈一  
章俱佳又遊洞庭記并金陵社集下語生解不  
愧名士是日大晴夜涼爽被猶寒

初十晴熱微陰午後飛雨數點王月峰石人塢  
覆外家地請戴先生遊湖鄒三舍辟邪戴阿官  
同行步出錢塘門登舟四橋入舟登陸步至法

相納雲留噉餅入舟孤山登覽歸家已暮  
十二早雨荅拜沈公子不面俞公臨來談越中  
事言與何泰寧風水一緣甚契語甚誇詡真可  
笑也留叙噉茶甚快遂商量中秋大會事而別  
欸沈公子於家以天雨辭湖中之行屠長卿吳  
德符同叙驥兒侍是日王月峰爲臨平之行  
十五大晴屠長卿曹能始作主唱西湖大會飯  
于湖舟席設金沙灘陳氏別業長卿蒼頭演曇  
花記宿桂舟四歌姬從羨長東生允兆諸君小  
見夜月甚佳

叙始散而薛素君從沈景倩自攜李至過船相  
十六晴稍有雲氣諸君子再舉西湖之會以荅  
長卿能始作伎于舟中席散同景倩素君羨長  
允兆諸君憇中橋聽曲晤周申甫月甚佳  
二十六晴爲張雲臺撰其母夫人墓志銘孫子  
真寫照方次卿來

二十九晴未午飯過小舟先至德清覆越山寺  
地乃烏山之盡左一枝懸乳丁龍良向爲正右

一枝丁龍開口亦良向左出爲雄吳羗山右一  
枝巽龍亥向左一枝丙龍亥向地俱佳山自縣  
山來築城其上外爲城壕惜乎掘斷地減分數  
金鷺山腰落巽龍亥向龍虎均齊筆架三峰作  
朝先時求之南面真捕風捉影城山迎至菴設  
浴晚飯意甚盛今日噉菱甚快舟泊菴港之外  
夜不寒仍夾被

九月初一晴暖平明行先覆大漾西庚酉辛龍  
甲向乃丁龍轉龍虎均齊堂局完固水口完密  
外有亥龍丙向亦佳外可作陽基龍尾市鎮又  
行十餘里小東山內庚酉辛龍甲向後頂五六  
自亥子癸轉後有卯龍辛向月形地亦大奇前  
辛龍落穴龍虎均齊外有師象把水口月峰喝  
爲虎形下右淚堂穴大而且久余目中所見此  
爲最上月峰云弁山亥龍當在其上明日當見  
之矣月峰病脾飲噉稍減泊舟埭頭港拒菁山  
十里成秋菊有佳色排律

初二晴暖舟早行過菁山而旦湖州道中月峰

見南山枝隴結陽基陬地者數處湖州府治的  
屬南山之盡自峴山入城無疑既飯易小舟覆  
弁山亥龍由蒼山取道起陸倚蒼山大田汎良  
龍丁向可作陽基六七里至地土名曼頭山亥  
氣丙向甚清問爲吳氏業其左正結亥龍丙向  
仁王在前如三台稍左爲及氏業易圖虎砂外  
亥氣作陽基已向正對駱山可居萬家亦吳氏  
業蒼山佃戶趙三者隨行故盡得其業主名歸  
途看蒼山然後入舟至大舟已昏黑矣舟泊青

崇橋東港內夜噉蟹猶未肥

初三晴午前西北風薄暮東北風俱急早移舟  
峴山寺前山上閒步僧來餉茶早飯過小舟夾  
山漾看地由汪氏小山進路三四里得一巽龍  
亥向地又於巽右得一卯龍巽左得一丙龍穴  
在上上起數墩墩亦可穴巽爲主下砂逆上數  
里從巽左轉二里許得一卯龍辛向乃南山腰  
結縣乳穴乳頗長兩邊有護穴短砂左右砂長  
夾乳前有五雷案案內一字文星赤山在雷案

左爲文星左右砂之前又有攔砂全吉地也卯龍之前稍左爲陸山亦有丁龍丙壬向地以日暮不及觀途中又有一卯龍辛向地初入夾山漾月峰云局內有極大地府治亦其收水砂也其他吉地甚多回望弁山尚有一亥龍甚活後更有丁龍起峰甚秀惜月峰欲還吳赴友人之約尚期他日盡探之還舟噉蟹甚快夜寒擁綿被三弟竟不至夜有霜

初四行十五里而旦早起過聿山旣午至南潯遣問朱平涵太史則已遭母喪月餘矣備禮往弔因過藏經院余家北藏暫安他日當移之山中者托道人寄顯親山主靜圓數字約其楞嚴相會亭主人飯意甚厭歸舟吳用脩來會許二十日邊璉水相會并托言王月峰先生于薦卿兄弟孝若以初二日有納于吳尚未歸夜宿震澤鎮地有老柏夜不及探也月峰云余西門祖塋龍虎砂際宜有石橋鎖之舊有橋癸未冬廢從此多事此老神矣又言石人塢地宜畜水以



養之百年外方可葬方井龍露石雖出早代科  
甲而人丁必惡不如售之他主最吉者七十二  
賢騎龍龍口穴孫道士腰穴武康庚酉辛虎形  
夾山漾卯龍卯龍尤速出高科與龍次之俱悠  
遠

初五晴和早行至平望而飯與王月峯暫赴吳  
勉齋親家及錫山秦氏之約奴子送之兼致徐  
伯諧兄弟書儀大舅文倩書月峰約月終遣人  
相迎舟過朱家路史田保門首暫泊易小舟訪

盛叔永叔永方病齒痛捉髮迎余談叙至日晡  
方次卿忽自武林至知渠輩初一日在故里追  
余于德清湖州間不知何以不遇也叔永治晚  
酌相款意甚盛出其孫侍坐方七歲甚了了陳  
伯符之甥也更餘別主人次卿同行叔永贈製  
過何首烏半斤楓亭荔子一封西施舌一封登  
舟史老餉白匾荳啜茶數壺而寢

初九晴霧西北風早晤吳伯子葉生其胤歸途  
至秀水相湖莊水反無情房南向又折東舍宜

其有事也出七里店過大船幸奴自武林來速  
文責過九日於水鄉無處登高一嘆訪包襲明  
已往吳中迎米宗伯矣晤鳴甫留茶是日設席  
欸其外祖又知陳仲醇以謝孝至此還拙園弔  
薛望樓之喪晤沈明卿無何見踪跡至矣夜同  
明卿三弟唐卿靜圓上人坐談月中

初十晴和先訪陳仲醇不面拜屠長卿長卿先  
一日邀太尊諸公看曇花于烟雨樓黃貞所陪  
今日復邀兩邑侯招余陪余先與沈司馬有約

當轉約渠明日耳入城候賀伯闇起居其太夫  
人留噉蟹頗巨而肥余噉四晤馮抑吾及其二  
弟午後過烟雨樓赴長卿之約晤茗上嚴生及  
日者鄴生項于王來久之二邑侯主上席復演  
曇花夜半散席歸舟

十三晴和西北風逆僅克至吳江作茅鹿門先  
生墓表向來應酬頗雜今日大有閒適之趣不  
知辟邪唐卿今日能抵北關不念之連日噉蟹  
甚快月甚佳夜泊舟吳江南門

十四晴五更解維早至吳閶泊舟清風亭作陳  
蓋菴墓表未終而陳使索文者至遂終稿移舟  
山塘吳宅謁德園年伯樞大舅文倩理齋叔翁  
陪于中甫先至相見舟中遂同至虎丘石塲晤  
閔寧臺吳無競治酒舟中欸中甫及余王季常  
陸祚先與焉月甚佳方次卿來晤酒散又同中  
甫祚先輩石塲小坐邂逅沈祖量

十五晴由石瀆易小舟登陸至象山送殯先別  
季常與中甫同拜吳文倩相邀

小叙晤王月峰以中甫相待于水次急別文倩  
行晤管登之先生同舟至石瀆別時管登之有  
陽羨之行至虎丘陸純孫相待已久中甫純孫  
同晚酌中甫六齋余同純孫噉蟹是夜無月晤  
陳仲淳深談逾時少年曲聲甚佳余輩下船諸  
客散盡矣舟泊齊門

十九晴帶微陰周丞來拜先往訪張季脩歸而  
迎之張季脩之先赴周丞之飯于衙齋李玄白  
陪歸舟小憇沈伯和顧德甫作主周丞陪出戲

在吳中可當中駟演鸞釵于中甫李玄白俱在  
坐夜半而別中甫明日往虞山矣余附瞿元立  
繆仲淳二書

二十晴早達婁東入城看王房仲陳仲淳於仲  
淳館晤吳伯霖王辰玉業先往陽羨不面相公  
置酒家園相款余獨上坐演家樂金花女狀元  
傳奇深黃昏回舟相公來報謝送程諸景陽來  
拜余往拜之舟中談叙甚久氣意清整敬之月  
二十一早陰開晴風來自西北甚大未免候潮  
而行徐元晦來餉程儀早入城晤陳仲淳謝生  
騰蛟來會仲淳出著述元隱逸傳補建文史待  
二書甚有益於世又觀倪雲林畫一幅佳甚謝  
荆翁相投楊生刺荅徐元晦訪陶逸則俱不面  
訪陸少白病病似中風今稍稍愈語尚不清右  
手不能動生十子長者始十二歲外侮交至可  
念也歸舟陶逸則楊生時偉謝生騰蛟吳伯霖  
俱來相訪既別少白長郎來相謁余作數字令  
其召繆仲淳于金沙以議醫藥之事待潮至解

物類彙編 卷之五十九 二十四  
維甃泊西郊外王房仲餉食品甚精陸純孫來  
索徐文江書而去風逆潮落舟行頗艱薄暮始  
至青羊埕顧年侄伯念伯從治具舟中見迎遂  
赴之至朝陽門已黃昏矣

二十四晴移舟祝家河潘景升來拜潘景升晤  
阮堅之至阮舟投刺久之范東生至余舟先行  
待於半塘寺松樹下噉蟹管席之來同噉又久  
之余羨長酒船至侑者有鐵生外二姬一爲楚  
人陳大酉故侍兒也阮堅之晚始到席曹林師

兄來待于余舟黃昏于中甫陸助先來余舟同  
泊酒半余至舟相見啜茶數壺余復過酒船阮  
堅之過余舟晤中甫鐵生同過分舟而飲中甫  
頗留連夜半月上與阮堅之別客俱別去余舟  
復還齊門送鐵生歸館余就寢四鼓矣

二十五晴歸彭生二童子沈伯宏趙伯羽歸自  
德州相晤下新橋閶門晤瞿元立過余舟送程  
與元立中甫訂明日午前虎丘之約先赴徐文  
江召乃出諸子文索余批閱凡十餘篇赴吳文

倩之席邀文仲作主文江陪吳徽州班演義俠  
記旦張三者新自粵中回絕伎也初更歸舟伯  
宏伯羽至舟略坐卽行今夕早休亦一快也

二十七晴赴吳文仲徐文江席於文仲宅同于  
中甫文倩無兢兄弟咸侍作伎吳伎以吳徽州  
班爲上班中又以旦張三爲上今日易他班便  
覺損色演章臺柳玉合記是夕與中甫別舟泊  
齊門城中

三十晴早嗽蟹作李空同集序朱支中來潘景  
升同吳君謝君來譚公亮來享僧家晚飯朱支  
中宿舟中

十月初一霧晴早移齊門譚公亮周旋竟日遣  
人尋覓陸太古未得繆仲淳應以此日至亦無  
消息一更張氏小姬到船年十三字之楚蘅眉  
目亦自清慧夜風是早馮寧至武康庚酉辛龍  
已成而卯龍不得龍旣被傷而直更昂甚是以  
遲疑耳

初七早行至尹山同王月峰一看乃庚酉辛轉

丁十來又甚巧其亥氣雜乾亥者不中用至吳  
江三里橋有金氏諸生赴訴張省菴宋欽所來  
宋示梨川女子詩果佳卽非完璧實中校書之  
選遂以屬宋圖之陸太古談玄是日真得其訣  
初八晴午後到拙園得超宗信寄箱一隻往武  
林覓俞唐邨來李隆吉駒駝侄來以名呼不韻  
議更之調良調良安得佳當再更可耳馬在田  
知余至必欲相款余辭之鶴林來議楞嚴事物  
色包襲明又往吳矣

初十晴辰盡至菁山陸墳月峰昨夕至所期乃  
十二日誤以余不能速行見給十一日可笑遣  
蒼頭約馬小亭薄暮到埭頭橋司觀音堂主僧  
不相認矣遣字邀淨圓上人出山相會同王月  
峰步行一二里徘徊瞻望月峰云此地可建郡  
城背小山立基前面秀峰轟轟聲名文物不減  
今治又望右有丁龍左遠近俱有亥龍當徐探  
之耳橋司主僧款留且設浴以浴具不持辭之  
回舟月下淨圓來約明日到顯親遂探丁龍

十一晴和同王先生淨圓師兄步至顯親約七八里月峰望獨山下可作陽基南向又望見丁龍三支顯親寺後有騎龍亥氣四神八將俱全飯于顯親顯親有亥龍窩藏下爲佛殿矣步自胡墳看黃蛇出洞丁龍有龜山相應又深入至上沙埠看丁龍鮎魚形地三丁龍之一最佳月峰又同馮寧看其一其一留下來看欲由亭嶺過青山關村民云路途且峻  
返至顯親平路  
歷龍王堂吳東橋宅途中  
亥龍一吳龍一

庚酉辛龍又覆看王字鬼艮龍此爲土地吳東橋留酒飯又一里至吳莊登快船又十里至沙村大船泊處俞唐卿亦買塲自吳中至此可喜夜月甚佳連夕臥船板覺尻骨作楚

十六半夜至德清覓城山寺僮子迷道多行十里而至知武康令德清令俱不在遂停舟天明飯于城山小亭上人作主蔡雲麓來顧入城拜蔡雲麓拜監兌楊翹卿名一葵漳浦人壬辰甲科大有好文急士之意廣文施君稱門生來謁



餉土儀丁酉秋渠曾由南監起文鳴謙其弟承  
緒其侄也最傾向余以得見爲幸蔡翁留陪余  
飯柩船已過追及于太保塘余仍輕舟先至沙  
村冠服乘車登山晚同淨圓小亭二上人看路  
十八晴大風皇隴山看地得亥龍三支其西一  
支最佳村民張氏邀回具茶還舟未暮復至山  
上定金井分金馬嘯亭夜至

十九晴風止文椅早至家中平安寅時開金井  
月峰戒余父子俱不臨塘樓沈七官同其乃郎  
至今日拜先柩成賀劉鶴翁大叅考最加恩三  
代序史范二伯徵之也

二十晴二柩上山斃金井晚築三和土武康翟  
令趙尉三廣文俱到山祭奠夜赴唐生席

二十一晴未時下葬將有事空中羣鶴盤旋之  
異夜監築三和土墳成

二十四晴平旦過城山惟晉菴小亭留飯大船  
已至過之細詢王月峰昨所得地陽基在小山  
之南亥龍與鼓兒橋鄰晨刻至德清至城皇廟

快雪堂集 卷之五十九 二十九  
解衣待輕舟至往訪許敬翁敬翁留飯并邀王  
月峰同覆李山新得地乃春末陳云洲所物色  
月峰以爲丑龍無用敬翁殊不以爲然敬翁坐  
上晤山陰劉進士辛丑新科年僅二十五劉毅  
之族弟別敬翁行十餘里始及大船于白雲橋  
拒武林港途不及半矣黃昏而至

二十七晴欵謝王月峰作弋陽戲定席後湖中  
候欵賀伯闇過三賢祠邀俞羨長陪以赴霍運  
同之席數語卽別去至定香橋伯闇始出山先  
赴柴仲美諸君之席仲美過余舟拉余陪伯闇  
抵暮別諸君過余舟始返過三橋無何羨長亦  
至至錢塘門而別已黃昏將絕矣回家戲尚未  
終柴仲美亦來二更餘而散是日月峰簪花披  
紅大有風景

二十八晴沈二官爲內人生日設席欵客余亦  
與焉呂三班作戲演麒麟記梨川徐六官以市  
鹿角膠至取其五斤膠色深黑似不如顧生之  
妙欲探梨川信且未敢言詩稿覓之不得意失

之舟中耳夜微雨未凍言結識貧文不新意大  
十一月初四雲翳有釀雪意是日至德清晚同  
月峰看金峩山東北面丁龍又看田中大墩乃  
夏氏陽基因知西首吳龍窩藏拱抱爲金峩山  
正結耳作胡儀伯張室人墓志銘

初五雲翳釀雪如昨四更解維天明已至沙村  
粥後展祭先墓午飯而行行十里小亭上人相  
及過菁山十里泊舟作四江生母氏墓志銘作  
家書遣小皂回

初六雲翳如昨黎明晴解維已初至湖州過夾  
山漾看山午後至妙喜將近三里橋輿行入山  
五六里得一山丁龍頗佳外有山分三支下中  
一支卯轉巽亦佳未及看鎮民吳老于思者故  
識余于十七八年前已迫暮色不及邀余歸茶  
再三致殷勤而別宿三里橋

初七晴余舟五更解維留別舟從月峰再入妙  
喜尋龍馮寧隨行平旦至城與張省菴盛伯達  
相見先拜朱君采次拜陳郡公亮采烏程令何

快雪堂集 卷之五十九  
君節歸安令汪君惟德弔同年王槐庭母喪朱君采留飯其兄汝賢弟孝廉正邦陪何令汪令來報謁不面陳郡公來報謁面陳爲王太史慎菴之本房門生頗好文甚惜李卓吾之死非俗吏也昏黑王月峰回得亥轉子癸龍于楊樹塢甚言其佳勸余急取其地并爲安北藏書籍遂余宿願可喜也夜泊舟東門外

初八晴早行三十里至晟舍相傳以唐李令公嘗駐師于此故以名其處宋宗獻先以小舟出會旣飯乃入港里許而至凌氏凌氏太學蒞初瀛初者出迎余于舟旣至具吉服登門主人兄弟迎于門外兄名濛初字玄房弟名浚初字玄靜登堂納贄致謝允之儀主人邀吳允兆相陪主人母氏蔣尚書之後允兆之內侄女也是日有前筵正席前筵席散乃拜二太學同居次泉之子拜次君玄靜主人相陪正筵就坐巳追暮色呂三班作戲演香囊記席散夜且半矣初十晴是日回盤主人親送于舟具吉服迎復

置酒相款夜別復具酒于舟相送別時夜半矣  
連日款接禮意至盛但鐘鼓樂爰居非性所安  
耳是日冬至

十二晴早發將至平望二里許遇大風不能越  
鸞脰湖維舟久之宋宗獻以小舟送而張士魯  
陪余過故里連日忙冗今日頗暇豫可喜晚泊  
舟平望

十七晴大風不能行張省菴周旋經日王月峰  
破浪而別下午風稍平移舟朱家路史老門前  
十九早微雨將過盛墩羨長自吳中還尋舟相  
值爲周公美作催妝詩五言一首踐張省菴之  
約也至八測吳長庚以事在城遣人持刺相迎  
有張省菴數字遂過江城下午至吳宅有族人  
南太常典簿某相迎值于途中設酒廳事相款  
二更而散時吳江令門禁甚嚴不可留宿于長  
庚齋中

二十晴早粥後谷拜奉常君入舟晤張史二君  
訪周季華省菴唐卿俱到啜茶六七壺是日吳

特雲堂集 卷之五十九 三十三  
親家復設酒廳事相款有侑觴者乃宋宗獻所  
薦色藝俱陋賴陶景菊善歌歌數曲足傾聽可  
快耳再宿長庚齋中

二十二陰晴夜飛雪宋宗獻復源上人至平望  
而別復源欲居顯親作淨圓師兄書今日順風  
揚帆而南平望去九里風橫下帆過此復掛帆  
薄晚至郡將到拙園湖州船人誤與一塘船爭  
毆其客平湖諸生與馬心易親者二人過船相  
訴余留茶好言慰之而去其船人被毆者叫號

不止無端生事大自可恨到拙園維舟靜無俗  
客與唐卿啜茶甚適陳堯回姚善長致邀帖設  
酒定於二十三日是日作壽沈志堂六十文超  
宗乞之也夜雪

二十三早起積雪皎然漸晴夜更餘復雪姚善  
長來賀伯闇徐子有來不面王季常卜浚父來  
午後入城訪賀伯闇留酌訪項玄池父子玄池  
病扈虛進士出見赴姚善長席賀伯闇陪屠氏  
梨園演明珠記出城易舟到園將到遇雪夜大

風如雷寒甚一冬所無

二十五晴寒川河水斷早候車太尊新四府過  
楞嚴飯同黃近洲相度禪堂改門旣行後府縣  
諸公俱來見訪弔岳老封君之喪陳孟常來拜  
入館後最初相見赴卜浚甫之席有歌姬姜滿  
夜從陸而歸舟泊西河舊宅前彭子誠夜過談  
文連夕寒甚重衾不支

二十六晴寒色稍和小河水尚未解入城拜朱  
養淳養淳先出顧余邀二十八日訪姚善長以

傷風不面谷拜陳孟常自二十三日過平橋見  
有臥路死者帽襪猶全二十五日失襪矣今日  
帽衣俱失犬傷其腓屢舉念施棺斂今日始勾  
當午前赴馬心易之館沈虎臣舊師陸君相陪  
過沈氏新居候舅母安回舟作車太尊書赴包  
鳴甫席屠冲暘陪包二叔公父子同陪并邀黃  
近洲屠氏梨園演雙珠記找北西廂二折復奏  
琵琶兼訂三十日之約遣 双子如武林

二十七晴冰在小港者未銷大河可行天氣甚

和沈超宗始自武林二十二日行冰凍于石門  
易小舟而至李隆吉來戚生藩來張生有譽來  
午前客來頗雜應接不暇附沈志堂壽禮於超  
宗遣沈高致之午後赴黃又玄之席觀其新居  
位置頗勝席間有季生大觀初更回舟啜茶畢  
聞雨聲

二十九霧陰遂雨訪姚叔祥飯於賀伯闇下午  
赴鄭明府之席梨園兩班作戲朱雪蕉宿舟中  
舟泊東門外雪蕉近復姓趙氏夜雨止

三十晴連日天氣溫暖如春早移舟杉青閘而  
北遂過吳涇橋鶴林灰中二上人爲漏澤佃官  
房事來謁王季常來又周生紹隆來餉蟹及橘  
季常至吳涇而別二上人同謁包襲明并商金  
湯書院請忠菴上人及漏澤事二上人別去余  
同襲明過屠園今日襲明冲暘先生作主家梨  
園演北西廂記儀父鳴甫俱在坐舟泊吳涇橋  
北奴子自武林至家中平安但貧乏而已  
十二月初二晴稍寒有冰大風稍和未起公臨



先去沈明卿來過明卿不面入城訪項于王姚  
叔祥叔祥不在先出城訪余未歸晤李隆吉訪  
沈純甫司馬留叙經日姚叔祥嗣至沈明卿亦  
至倪相士來夜寒有風

初三晴寒水觀堂作壽了凡先生七十序筆研  
俱冰增潤鹿門先生墓表後段竟日杜門薄暮  
俞羨長黃近洲陸玄谷馮抑吾來俞羨長留叙  
黃昏王季常卜浚甫來啜茶數壺而去

初七早雨不寒西北風晚開霽鶴林上人有趙  
田之行索了凡書項君卿盤桓竟日索與盛叔  
永共薦其次郎書一函而別王季常來回恭甫  
話王叔治來得袁非之書卽付回書夜沈超宗  
自長溪至大風飛雪

十一晴稍和日間客來頗多亦不能記晚沈超  
宗來與宋欽所俞羨長同叙飲至二鼓各大醉  
而別姜姝醒然夜水

十二晴和凡可上人來鶴林同傳真者心如上  
人至爲余點真將留楞嚴金湯院成而乏神采

快雪堂集 卷之五十九  
遠遜八月孫子真所作鬚醫馬生至因往來馬  
衙瀆而見逐頗怨戚不磷特見訴余給之去戚  
適至相與忿爭兩人俱露真面目此輩之不可  
作緣如此鶴林治具見款覺室中有侑觴者別  
去項君卿買色不得至飲三十餘杯遂大醉宿  
舟中水

十三晴和早覓凡可不得彭子誠沈新礪戴升  
之午前共飲沈生頤貞同項君卿來沈生治具  
見款卜浚甫王季常同叙先別去後姜姝與沈  
生發興唱曲無數意頗豪適夜水陳漢才自武  
林至

二十二雨四鼓行日中抵關明真宮前索肩輿  
入城至家家口俱無恙惟趙姬新買婢臘梅以  
清晨走出無踪甚可異也王調棨超宗二子唐  
卿夜談聽四小姬唱竹枝爲最

二十五晴款葛進士寅亮柴氏二崑陪早柴仲  
美來朱公朗公某黃重光三孝廉來二朱爲何  
司理考績乞贈言冊子序是日立春

快雪堂集 卷之五十九 三十一  
二十七晴何使君來報謁宋司馬來豹孫來邀  
余過其父母噉餅而回幼有至性可占其長大  
作用矣有字示驥子報云云似可稍慰父母之  
意

二十八平日了年終神愿早陰午開晴谷拜桐  
翁司馬許宅易衣同超宗問琴唐卿散步至朝  
天門過邵氏取古玩數事回約其到舍議價  
二十九晴同柴敬泉及驥兒沈超宗散步自官  
巷以東古董店看諸物超宗宅晚酌

三十晴了歲事如常今年幸不甚爲積逋所累  
宿鬱金堂

快雪堂日記卷之五十九



